



新刊監本冊府元龜卷之三百五十六

將帥部

一十九

立功第九

隋李雄初仕後周太祖時為輔國將軍從達奚武平漢中定興
州又討汾州判胡錄前後功拜驃騎大將軍儀同三司

竇榮定初仕周為平東將軍從太祖與齊人戰於北邙周師不
利榮定與汝南公宇文神慶帥精騎二千邀擊之齊師乃卻以
功拜上儀同

元景山仕周閔帝時從大司馬賀蘭祥擊吐谷渾以功拜撫軍
將軍其後與齊人戰於北邙斬級居多高祖受禪拜上柱國明
年大舉伐陳以景山為行軍元帥率行軍總管韓延呂哲出漢

遣上開府鄧孝儒將勁卒四千攻陳甌山鎮陳人遣其將睦
綸以舟師援孝儒逆擊破之陳將魯達陳紀以兵守湏口景山
復遣兵擊走之陳人大駭甌山託陽二鎮守將皆棄城而遁
宇文欣年十八從周齊王憲討突厥有功拜儀同三司韋孝寬
之鎮王壁也以欣驍勇請與同行屢有戰功加位開府驃騎將
軍從武帝伐齊遂援晉陽齊平進位大將軍又從韋孝寬討尉
迥迥遣子惇盛兵武陟欣先鋒擊走之進臨相州迥遣精甲
二千伏於野馬岡欲擊官兵欣以五百騎襲之斬獲略盡進至
韋橋迥又拒守欣竒兵擊破之直趨鄴下

李衍仕周武帝時為義州刺史從韋孝寬鎮王壁城數與賊戰
敵人憚之及平齊以軍功進授大將軍後為定鄜二州刺史及
王謙作亂高祖以衍為行軍總管從梁眷擊平之進位上大將
軍

于繭仕周武帝時為少胥附從齊王憲破齊師於洛陽以功賜
魯豐寧縣子邑百戶

趙仲卿周大將軍綱之子從齊王憲擊北齊攻臨秦統戎威遠
穴龍張等五城盡平之又擊齊將段孝先於姚襄城苦戰連
日破之以功授大都督尋典宿衛平齊之後以功迁上儀同兼
趙郡太守開皇中拜朔州總管會突厥啓义可汗求婚於國帝
計之仲卿因是間其骨肉遂相攻擊十七年啓义窘迫與隋使
長孫晟投通漢鎮仲卿率騎千餘馳援之達頭不敢逼潛遣人
誘致啓义所部至者二萬餘家其年從穎高指白道以擊達頭

仲卿率兵三千為前鋒至族蠡山與虜相遇交戰七日大破之
追奔至迄伏泊復破之虜千餘口雜畜萬計突厥悉眾而至仲
卿為方陣四面拒戰經五日會高穎大兵至合擊之虜乃敗走
追度白道踰泰山七百餘里時突厥降者萬餘家帝命仲卿處
之常安以功進位上柱國賜物三千段朝廷慮達頭掩襲啓義
令仲卿屯兵二萬以備之代州總管韓洪永康公李藥王蔚州
刺史劉隆等將步騎以萬錢常安達頭騎十萬來寇韓洪軍大
敗仲卿自樂寧邀擊斬首虜千餘級

素，上周武帝時為車騎大將軍從齊王憲與齊人戰於河陰
以功封清河縣子邑五百戶及高祖為丞相素深自結納高祖
甚嘉之素為汴州刺史行至洛陽會尉遲迥作亂榮州刺史
宇文胄以武牢以應迥素不得進高祖拜素大將軍發河內兵
擊胄破之迥徐州總管及伐陳為行軍元帥率水軍東下陳主
遣其信州刺史顧覺鎮安蜀荊州城刺史陳紀鎮公安皆懼而
退走巴陵以東無敢守者湘州刺史岳陽王陳叔慎遣使請降
乃為內史令以浙江賊帥高智慧等未殄復乘傳至會稽先是
泉州人二國慶南安豪族也殺刺史劉引據州為亂諸亡賊皆
歸之自以海道艱阻非北人所習不設備素汎海掩之王國慶
遂遣棄州而走餘黨散入海島或守溪洞素分遣諸將水陸追
捕乃密令人謂國慶曰爾之罪狀計不容誅唯有斬送智慧可
以塞責國慶於是執送智慧斬於泉州自餘支黨悉來降附江
南大定後遷尚書左僕射時漢王諒反帝以素為并州道行軍

總管河北道安撫大使率衆數萬討諒時晉絳呂三州並為諒
城守素各以二千人摩人而去諒遣趙子開擁衆十餘萬策絕
徑路屯據高壁布陣五十里素令諸將以兵臨之自引奇兵潛
入霍山緣崖谷而進直指其營以戰破之殺傷數萬諒所署介
州刺史梁脩羅屯介休聞素至懼棄城而走進至并州三千里
諒率其子王世宗趙子開蕭摩訶等衆且十萬來拒戰又擊破
之擒蕭摩訶諒退保并州素進兵圍之諒窮蹙而降餘黨悉平
韓擒虎仕周武帝時為儀同三司齊將獨孤永業守金墉城擒
虎說下之進平范陽加上儀同陳人逼光州擒虎以行軍總管
擊破之入從宇文欣平合州高祖作相遷利州刺史陳將甄慶
任蠻奴其摩訶等共為聲援頻寇江北前後入界擒虎屢挫其

鋒陳人在于氣伐陳之役晉王遣行軍總管杜彥與擒虎合軍步
騎二萬去叔寶遣領軍蔡徵守朱雀航聞擒虎將至衆懼而潰
任蠻奴為賀若弼所敗棄軍降於擒虎擒虎以精騎五百直入
朱雀門陳人欲戰蠻奴謂之曰老夫尚降諸君何事衆皆散走
遂平金陵

達奚長儒仕周武帝時為行軍總管北巡沙塞卒與虜遇接戰
大破之

李徽仕周為車騎大將軍從武帝破齊師於河北乘勝下高壁
拔平陽擒高楷於冀州俱有力馬錄前後功加開府別封蔡陽
縣公邑千戶

崔仲方仕周為平東將軍從武帝攻北齊晉州齊亞將崔景嵩

請為內應仲方與段文振等登城應接遂下晉州又令仲方說翼城等四城下之授儀同開皇末為會州總管時諸江猶未賓附詔令仲方擊之與賊三十餘戰紫祖四隣望方涉時千碓小鐵圍山白男王若水等諸部悉平賜奴婢二百三十口黃金三十斤雜物稱是

段文振仕周為中外府兵曹從武帝攻北齊晉州下之進拔文侯華谷高壁三城皆有力焉及攻并州陷東門而入齊安德王延宗惧而出降開皇末為太僕卿越雋蠻叛擊平之賜奴婢二百口八業初為兵部尚書從征吐谷渾督兵屯雪山連營三百餘里東接楊義城西連張壽合圍渾主於覆袁州以功進位右光祿大夫

李崇周武帝時為將兵都督隨宇文護伐齊功最擢授儀同三司

權武仕周為開府武帝時從王謙破齊服龍等五城增邑八百戶平齊之役攻陷邵州別下六城以功增邑三百戶

郭衍仕周為儀同大將軍從武帝與齊王大戰於晉州追齊師至高壁賊之仍從平并州以加功授開府封武強縣公累迁右中軍魚梁中大夫尉遲迥之起逆韋孝寬戰於武陟進戰於相州迥遣弟子勤為青州總管率青齊之眾來助迥迥敗勤與迥子惇祐等欲東奔青州衍將精騎一千追破之執祐於陣勤遂遁走而惇亦逃逸衍至濟州入據其城又擊其餘黨於濟北累戰破之執送京師超授上柱國封武山郡公開皇中從晉王出

鎮揚州江表搆逆命衍為總管領精銳萬人先屯京口於貴洲南與賊戰敗之生擒魁帥大獲舟楫糧儲以充軍實仍討東陽永嘉宣城黜歛諸洞盡平之授蔣州刺史

李禮成仕周武帝時為車騎大將軍伐齊之役禮成從帝圍晉陽以兵擊南門齊席毗羅率精甲數千拒帝禮成力戰退之加開府封冠軍縣公

字子雄仕周武帝時從平齊以功授帥都督高祖作相從韋孝寬破尉遲迥於相州拜上開府伐陳之役以功進位大將軍漢王諒之亂煬帝以子雄為上大將軍發幽州兵三萬自井陘以討諒時諒遣大將軍劉建略地燕趙正攻井陘相遇於抱犢山下力戰破之遷幽州總管

李景仕周武帝時平齊之役頗有力焉授儀同三司後平尉遲迥進位開府開皇九年以行軍總管從王世積伐陳陷陣有功進位開府及高智慧等作亂江南復以行軍總管從楊素擊之別平倉嶺還授鄜州刺史開皇末從史萬歲擊突厥於太斤山別路邀賊大破之大業初擊叛蠻向思多破之又擊吐谷渾於西海攻十向麗武厲城皆破之

薛世雄年十七從周武帝平齊以功拜帥都督開皇時數有戰功累遷儀同三司右親衛車騎將軍煬帝嗣位番禺夷獠相聚為亂詔世雄討平之

賀若誼仕周武帝時為洛州刺史北齊范陽王高紹義之奔突厥也誼以兵追之戰於馬邑遂擒紹義以功進位大將軍高祖

為丞相拜亳州總管馳驛之部西邊司馬消難東拒尉遲迥申州刺史李慧反誼討平之進爵范陽郡公授上大將軍

梁士彥仕周為東南道行臺使持節徐州總管三十二州諸軍事徐州刺史與烏九執擒陳將吳明徹裴忌於呂梁別破廣陵略定淮南地高祖作相轉亳州總管二十四州諸軍事尉遲迥之反也以為行軍總管從韋孝寬擊之至河陽與迥軍相對令家僮梁默等數人為前鋒士彥以其徒繼之所當皆破乘勝至草橋迥眾復合進戰大破之及圍鄴城攻北門而入馳啓西門納宇文欣之兵及迥平授相州刺史

杜彥仕周武帝時為左侍上士後從柱國陸通擊陳將吳明徹於土州破之又擊叛蠻剋倉塹白楊二柵並斬其渠帥進平郢州賊帥樊志以戰功拜大都督高祖為丞相從韋孝寬擊尉遲迥於相州每戰有功開皇中為左武衛將軍平陳之役以行軍總管與新儀公韓擒虎相繼而進軍至南陵賊屯據江岸彥遣儀同樊子蓋率精兵擊破其柵獲船六百餘艘渡江擊南陵城拔之擒其守將許翼進至新林與擒虎合軍及平陳進位柱國時高志慧等之作亂也復以行軍總管從楊素討之別解降州圍智慧餘黨往往屯聚保投溪洞彥水陸兼進攻錦山陽谷若石壁西洞悉平之皆斬其渠帥賊李陀擁眾數千據彭山彥襲擊破之斬陀傳其首又擊徐州宜豐二洞悉平之

和洪仕周武帝時數從征伐烏九執之擒陳將吳明徹也洪有功焉加位開府迂折衝中大夫尉迥作亂相州以洪為行軍總

管從韋孝寬擊之軍至河陽迥遣兵圍懷州洪與總管宇文述等擊走又破尉惇於武陟及平相州每戰有功拜柱國封廣武郡公邑二千戶

劉方仕周武帝時為承御上士以戰功拜上儀同高祖為丞相方從韋孝寬破尉迥於相州以功加開府賜爵河陰縣侯仁壽中交州佯人李佛子亂方為交州總管至都嶺遇賊二千餘人來犯官軍方遣營主纂何貴嚴願等擊破之進兵臨佛子先令諭以禍福佛子惧而降送於京師其有桀黠者恐於後為亂皆斬之平授驩州道行軍總管以尚書右丞李綱為司馬經略林邑方遣欽州刺史審長真驩州刺史李暈上開府泰雄以步騎出越蒙方親率大將軍張懋司馬李綱舟師趨北景大業元年

正月軍至海口林邑王梵志遣兵守險方擊走之師次閩梨江賊據南岸立柵方盛陳旗幟擊金鼓賊惧而潰既渡江行三十里賊爭巨象四面而至方以弩射象中瘡却操其陣王師力戰賊奔於柵因攻破之俘賊馘萬計於是濟區粟渡六里前後逢賊每戰必擒進至大椽江賊據峻為柵又擊破之遇馬援銅柱南行八日至其國都林邑王梵志棄城奔海獲其廟主金人汗其宮室刻石紀功而還

楊文思仕周為儀同三司從武帝攻拔北齊晉州以勲進授上儀同三司壽楊劉叔仁作亂從清河公宇文神舉討之戰於塽井在陣生擒叔仁後從王誼破賊於鯉魚柵其後累以軍功迂果毅右旅下大夫高祖為丞相文思從韋孝寬拒尉迥於武陟

迥遣其將李攜圍懷州與行軍總管宇文述擊走之破尉惇平
鄴城皆有功進授上大將軍

崔弘度仕周為上開府宣帝嗣位從鄆國公韋孝寬經略淮南
弘度與化政公宇文欣司水賀婁子幹至肥口陳將潘琛率兵
數千來拒戰隔水而陣欣遣弘度諭以禍福琛至夕而遁攻壽
陽降陳守將吳之立弘度功最以前後勲進位上大將軍

于顛仕周為郢州刺史宣帝時以水軍總管從韋孝寬經略淮
南顛率開府元紹貴上儀同毛猛等以舟師自潁口入淮陳防
主潘深棄柵而走進與孝寬攻拔壽陽復引師圍硤石守將許
約惧而降顛乃拜東廣州刺史後拜吳州總管陳將錢茂和率
數千人襲江陽顛逆擊走之陳復遣將陳紀周羅暉燕合兒等

襲顛顛并之而退

馮昱仕周宣帝時以行軍總管與王誼李威等討叛蠻平之拜
柱國

王誼仕周為汾州總管司馬消難舉兵反高祖以誼為行軍元
帥率四總管討之軍次近郊消難惧而奔陳于時北至商洛南
拒江淮東西二千餘里巴蠻多叛共推渠帥簡雄州為主雄州
自號河南王以附消難北連尉迥誼率行軍總管李威馮暉李
遠等分討之旬月皆平

韋藝仕周為魏郡大守高祖為丞相尉迥陰圖不軌朝廷遣藝
季父孝寬馳往代迥藝因投孝寬即從孝寬擊迥以助進位上
大將軍

李穆仕周宣帝時為大左總管尉迥之亂令其所署行臺韓長業攻陷洛州執刺史趙署城民郭子勝為刺史穆遣兵討之獲子勝高祖嘉之以穆勞效同破鄴城第一勲加三轉聽分授其二子榮才及兄賢子孝軌榮及才並儀同大將軍孝軌進開府儀同大將軍又別封其子雄為密國公邑三千戶

韓僧壽仕周宣帝時為侍伯中旅下大夫從韋孝寬平尉迥每戰有功授大將軍封昌樂公邑千戶

韋洸仕周宣帝時為開府高祖為丞相洸從季父孝寬擊尉迥於相州以功拜柱國進封襄陽郡公開皇初突厥寇邊皇太子屯咸陽令洸統兵出源州道與虜相遇擊破之拜江陵總管伐陳之役領行軍總管及陳平拜江州總管率步騎二萬略定九

江遂進圍嶺南高祖與書尉勉之洸至廣州嶺表皆降之帝聞而悅許以便宜從事洸所統集二十四州拜廣州總管

高穎仕周宣帝時為開府擊尉迥既至軍為橋於沁水賊於上流縱火棧穎為木狗以禦之既度焚橋而戰大破之遂至鄴下與迥交戰仍共宇文欣李詢等設柵因平尉迥及突厥犯塞以穎為元帥擊賊破之又出白道進圍入磧破賊而還

元褒仕周為趙州刺史褒從韋孝寬擊尉迥以功超拜柱國乞伏慧仕周為飲飛石旅熊渠中大夫從韋孝寬擊尉惇於武陟所當皆破授大將軍

田仁恭仕周為大將從韋孝寬破尉迥於相州拜柱國樊叔略仕周為營柵監尉迥之亂高祖令叔略統兵鎮大梁迥

將宇文威來寇叔畧擊走之以功拜大將軍

宇文述仕周為英果中大夫尉迥作亂相州述以行軍總管率步騎三千從韋孝寬擊之軍至河陽迥遣將李雋攻懷州述別擊雋軍破之又與諸將擊尉惇於永橋述先鋒陷陣俘馘甚衆平尉迥每戰有功超拜上柱國開皇初拜右衛將軍平陳之後以行軍總管率衆三萬自六合而濟時韓擒虎賀若弼兩軍趣丹陽述進據石頭城以為聲援陳主既擒而蕭巖據東吳之地擁兵拒守述領行軍總管元契張默言等討之水陸並進落藪公燕榮以舟師自海至亦受述節度陳永新侯陳君範自晉陵奔巖并軍合勢見述軍且至巖懼立柵於晉陵城東又絕糧道留兵拒述巖自義興入大湖圖掩述後述進破其柵迥兵擊巖大敗之斬巖司馬曹勒義前軍復陷吳州巖以餘衆保包山燕榮擊破之述進至奉公埭蕭巖陳君範等以會稽請降述許之二人面縛路左吳會悉平以功拜安州總管大業中為左衛大將軍從煬帝幸榆林時鐵林契弊歌稜攻敗吐谷渾其部攜散遂遣使請降求救帝令述以兵屯西平之臨羗城撫納降附吐谷渾見述擁強兵懼不敢降遂西遁述領鷹揚郎將梁元禮張峻崔師等追之曼頭城攻拔之斬三千餘級乘勝至赤水城復拔之其餘黨走屯兵尼川述進擊大破之獲其王公尚書將軍二百人前後虜男女四千口而還渾主南走雪山其故地皆空明年從帝西巡至金山登燕友述每為斥侯時渾賊復寇張掖進擊走之明年帝有事遼東與將軍楊義臣率兵復臨鴨

淶水會楊玄感作亂帝召述班師令馳驛赴河陽發諸郡兵以討玄感逼東都聞述軍將至惧而西遁前圖閔中述與刑部尚書衛玄左禦衛將軍來護兒武衛將軍屈突通等躡之至閔卿五丈原與玄感相及述與來護兒列陣當其徑道屈突通以奇兵擊其後大破之遂斬玄感傳首行在所賜物數千段

梁睿仕周為涼安二州總管及高祖總百揆代王謙為益州總管行至漢川而謙反遣兵攻始州睿不得進高祖命睿為行軍元帥率行軍總管于義張威達奚長儒梁昇石孝義步騎二十萬討之時謙遣開府李三王守通谷睿使張威擊破之擒數千人進至龍門謙將趙儼秦會擁衆十萬據嶮為營周亘三十里睿令將仕御枚自開遠道西南奮擊力戰破之蜀人大駭睿鼓行而進謙將敬豪首劔閣梁巖拒平林並惧而來降又令高阿那環達奚憇等以盛兵攻利州聞睿將至憇分兵據開遠睿顧謂將仕曰此虜據要欲遏吾兵勢吾當出其不意破之必矣遣上開府拓拔宗趨劔閣大將軍宇文曼指巴大將軍趙達水軍入嘉陵睿遣張威王倫賀若震于義韓相貴何郡惠等分攻憇自午及申破之憇奔歸于謙睿進逼成都謙令達奚憇乙弗虔城守親率精兵五萬背城結陣睿擊之謙不利將入城憇虔以城降拒謙謙將麾下三十騎遁走新都令王寶執之睿斬謙於市劔南悉平進位上柱國

于儀仕周宣帝時為開府高祖作相王謙搆逆其將達奚憇擁衆據開遠儀以都督將左軍擊破拜潼州總管

李暉仕周為義州刺史王謙作亂以行軍總管從梁睿擊平之
進上大將軍開皇元年以行軍總管討平叛蠻進位柱國

長孫熾仕周為大都督王謙作亂熾從信州總管王長述沂江
而上以熾為前軍破謙一鎮定楚合等五州擒偽總管荆山公
元振以功拜儀同三司大業初擢拜戶部尚書吐谷渾寇張掖
令熾率精騎五千擊走之追至青海而還以功授銀青光祿大
夫

楊文紀開皇初為車騎大將軍儀同三司安州總管長史將兵
迎陳降將李瑗於齊安與陳將周法尚軍遇擊走之以功進授
開府

張大淵開皇初為大都督領鄉兵賀若弼之鎮壽春也常為間
謀平陳之役頗有功焉進位開府儀同三司又率水軍破逆賊
笮子游於京口薛子建於和州拜大將軍後從楊素征江表別
破高智慧於會稽吳世華於臨海進位上大將

龐晃開皇初為上開府拜右衛將軍河間王引之擊突厥也晃
以行軍總管從至馬邑別路出賀蘭山擊賊破之斬首千餘級
權武開皇六年為大將軍檢校潭州總管柱州人李世賢作亂
武以行軍總管與武侯將軍虞慶則擊平之

王勰開皇中以行軍總管屯兵江北禦陳寇數有戰功為陳人
所憚伐陳之役及高智慧反攻討皆有殊績官至柱國

趙賢通開皇中為民部中大夫從上柱國于翼率眾數萬自三
鷗道以伐陳剋陳十九城而還

賀若弼開皇中為行軍總管伐陳之後進屯蔣山之白玉岡陳將魯達周智安任蠻奴田瑞樊毅孔範蕭摩訶等以勁兵拒戰田瑞先犯弼擊走之魯達等相繼遞進弼軍屢却弼揣知其驕士卒且惰於是督厲將士殊死戰大破之

劉權開皇中為車騎將軍從晉王瑋平陳以功進授開府儀同三司大業五年從征吐谷渾權率眾出伊吾道與賊相遇擊走之逐北至青海虜獲千餘口

王世積開皇中為蘄州總管平陳之後晉王已平丹陽世積於是移書告諭遣千金公權始璋略取新蔡陳江州司馬黃偲棄城而遁始璋入據其城世積繼至陳豫章太守徐澄廬陵太守蕭廉潯陽太守六仲容巴山太守王誦太原太守馬頓齊昌太守黃正始安城太守任權等及鄱陽臨川守將並詣世積降以功進位柱國荊州總管柱州人李光仕作亂世積以行軍總管討平之進位上柱國

高勵開皇中以行軍總管從宜陽公王世積下陳江州以功拜上開府

周法尚開皇中為黃州總管伐陳之後以行軍總管隸秦孝王率周師三萬出于樊口陳城州刺史熊門超出師拒戰法尚擊破之擒超於陣累迂永州總管安集嶺南未幾柱州人李光仕舉兵作亂令法尚與上柱國王世積討之法尚馳往柱州發嶺南軍世積出岳州徵嶺北軍俱會于尹州光仕來擊走之世積所部多遇瘴不能進頓于衡州法尚獨討之光仕率勁兵保白石

洞法尚捕得其弟光畧光度大獲家口其黨有來降附光略輒以妻子還之居旬日降者數人法尚遣兵列陣以當光仕親率奇兵蔽林設伏兩陣始交法尚馳擊其柵中人皆走散光仕大潰追斬之拜武衛將軍時黔安夷向思多反殺將軍鹿原圍太守蕭造法尚與將軍李景分路討之法尚擊思多于清江破之斬首三千級還從討吐谷渾法尚別出松州道逐捕士散至于青海遼東之後以舟師指朝鮮道會楊玄感反與將軍宇文述來護兒破之以功進右光祿大夫時有齊郡人王薄孟讓等舉兵盜衆十餘萬保長白山頻戰每挫其銳

燕榮開皇中為青州總管伐陳之後以為行軍總管率水軍自東萊傍海入大湖取吳郡既破丹陽吳人共立蕭嘽為主阻兵

於晉陵為宇文述所敗退保包山榮率精甲五千躡之嘽敗走為榮所執晉陵會稽悉平

李九通開皇中以尚書左丞領左翊衛驃騎將軍伐陳之後九通以行軍總管從楊素出信州道以功進位大將軍

劉仁恩開皇中以行軍總管從楊素伐陳與素破陳將呂仲蕭於荆門仁恩之計居多授上大將軍

來護兒開皇中為大都督平陳之役護兒有功進位上開府從楊素擊高智慧于浙江智慧將逃于海護兒追至閩中餘黨皆平進位大將軍除泉州刺史封襄陽縣公食邑一千戶時智慧餘黨盛道延阻兵為亂護兒又討平之迁建州總管又與蒲山公李寬討平黠歙逆黨汪文進進位柱國大業中遼東之役護

兒率樓船指滄海入自溴水去平壤六十里與高麗相遇進擊大破之乘勝直造城下破其郭郭於是縱軍大掠稍失部位高元帝建武募敢死士五百人邀擊之護兒因却屯營海浦以待期會後知宇文述等敗遂班師明年又出滄海道師次東萊會楊玄感作逆黎陽進逼鞏雒護兒勒兵與宇文述等擊破之封榮國公又率師渡海至卑奢城高麗來戰護兒大破之首斬千餘級

魚俱羅開皇中以大都督從晉王平陳有功拜開府未幾沈玄愔高智慧等作亂江南楊素以俱羅同行每有戰功加上開府又從素出靈州道擊突厥以功進位柱國大業中以交通內官除名會越雋飛山蠻作亂詔俱羅白衣領將并率蜀郡都尉段鍾葵討平之

新刊監本冊府元龜卷之三百五十七

將帥部 一十八

立功第十

隋史萬歲開皇中為左領軍將軍先是南寧夷爨翫來降拜昆
州刺史既而復叛遂以萬歲為行軍總管率眾擊之自入蜻蜒
川經弄凍次小勃弄大勃弄至于南中賊前後屯據要害萬歲
皆擊破之行數百里見諸葛亮紀功碑銘其背曰萬歲之後勝
我者過此萬歲之令左右倒其碑而進渡西洱河入渠濫川行
千餘里破其三十餘部虜獲男女二萬餘口諸夷大惧遣使請
降獻明珠徑寸於是勒美隋德

蘇孝慈開皇中檢校利州總管事從史萬歲擊西爨累戰有功

進位大將軍尋檢校益州總管長史會越雋人王奉舉兵作亂沙羅從段文振討平之

楊武通開皇中以行軍總管討西南夷以功封白水郡公

張須陁開皇中從史万歲討西爨以功授儀同煬帝嗣位漢王諒作亂并州從楊素平之加開府大業中為河南道黜陟使捕賊帥盧明月衆十餘萬將寇河北須陁邀擊殺數千人賊呂明星帥仁參霍小漢等衆各萬餘擾濟北須陁進軍擊走之

慕容三藏開皇中為吳州刺史副襄陽公韋洸討嶺南酋長王仲宣既至廣州洸中流矢卒詔三藏檢校廣州道行軍事賊衆四面圍三藏固守月餘城中糧少矢盡三藏以為不可持久遂自率驍銳夜出突圍擊之賊衆敗廣州獲全以功授大將軍

陰壽開皇中為幽州總管先是高寶寧者北齊之疎屬也為人傑黠有籌筭在齊久鎮黃龍及齊滅周武帝拜為營州刺史甚得華夷心高祖為丞相遂連結契丹靺鞨舉兵反高祖以中原多故未遑進討以書喻之而不得開皇初又引突厥攻圍北平至是令壽率步騎數萬出盧令塞以討之寶寧求救於突厥時衛王爽等諸將數道北征突厥不能援寶寧棄城奔于磧北黃龍諸縣悉平

張衡開皇中以軍總管率步騎五萬人討熙州賊李英林平之拜開府

房兆開皇中為行軍總管擊胡以功官至柱國徐州總管賀婁子幹開皇中為行軍總管時吐谷渾復寇邊河西多被其

害命幹討之馳驛至河西發五州兵入掠其國殺男女萬餘口
二旬而還

梁遠開皇中為汝州總管吐谷渾寇邊遠以銳卒擊之斬千餘
級

元諧開皇中為大將軍總兵討吐谷渾時賊將定城王鍾利旁
率騎三千渡河連結党項諧率兵出鄯州趨青海邀其歸路吐
谷渾引兵拒諧相遇於豐利山賊鐵騎三萬與諧大戰諧擊走
之賊駐兵青海遣其大子可博汗以勁騎五萬來掩官軍諧逆
擊之敗追奔三十餘里俘斬萬計虜大震駭

周羅睺開皇末為幽州刺史突厥達頭可汗犯塞從楊素擊之
虜衆甚盛羅睺白素曰賊陣未整請擊之素許焉與輕勇二十
騎直衝虜陣從申至酉短兵屢接大破之進位大將軍

王仁恭開皇末為車騎將軍從楊素擊突厥於靈武以功拜上
開府後為驃騎將軍典蜀王軍事山獠作亂蜀王命仁恭討破
之楊帝嗣位漢王諒舉兵反從楊素擊平之以功進位大將軍
遼東之役以仁恭為將軍明年至新城賊數萬背城結陣仁恭
率勁騎一千擊破之賊嬰城拒守仁恭四面攻圍帝聞而大悅
遣舍人詣軍勞問賜以珍物進授光祿大夫

董純開皇末為左衛將軍漢王諒作亂為行軍總管從楊素擊
平之以功拜柱國後為榆林太守會彭城賊師張大彪宗世模
等衆至數萬保懸薄山寇掠徐兗煬帝令純討之純初開營不
與戰賊屢挑之不出賊以純為怯不設備縱兵大掠純選精銳

擊之合戰於昌慮大破之斬首萬餘級築為京觀賊魏麒麟衆萬餘人據單父純進擊又破之帝征遼復以純為彭城留守東海賊彭孝才衆數千掠懷仁縣純擊擒之

何稠開皇末為員外散騎侍郎柱州李光仕聚衆為亂詔稠討之賊相繼降分遣降州拜開府梁昵叛夷羅壽羅州刺史馮暄討賊帥李大壇並平之傳首軍門承制署首領為州縣官而還李渾仁壽初為象城府驃騎將軍從左僕射楊素為行軍總管出夏州北三百里破突厥阿勿侯斤於納遠川斬首五百級進位大將軍

郭榮仁壽初為通州刺史西南夷僚多叛詔榮領八州諸軍事行軍總管率兵討之歲餘悉平煬帝即位入為武侯驃騎將軍後數歲黔安首領田羅駒阻清江亂夷陵諸郡民夷多應者詔榮擊平之遷左侯衛軍

吐万緒仁壽末為太子左虞侯率煬帝嗣位漢王諒時鎮并州帝恐其為亂拜緒晉絳二州刺史馳傳之官緒未出閔諒已遣兵據蒲坂斷河橋緒不得進詔緒率兵從楊素擊破之拜左武侯將軍劉元進作亂江南以兵攻潤州帝徵緒討之緒率衆至揚子津元進自茅浦將渡江緒勒兵擊走緒因濟江背之為柵明旦元進來攻又大挫之賊解潤州而去緒進屯曲阿元進復結柵拒緒挑之元進出戰未整緒以騎突之賊衆遂潰赴江水而死者數萬元進挺身夜遁歸保其偽署僕射朱燮管崇等屯於毗陵連營百餘里緒乘勢進擊復破之賊退保黃山緒進軍

圍之賊窮感請降元進朱燮僅以身免於陣斬管崇及其將陸
顥等五千餘人收其子女三萬餘口送江都宮進解會稽圍史
降仁壽末為行軍總管漢王諒之亂降擊其將余公理大破之
轉趣黎陽討綦良綦良棄軍走其衆大潰進位上大將軍

王辨仁壽末為車騎將軍漢王諒之亂辨從楊素討平之累迁
鷹揚郎將遼東之後以功加通儀大夫山東盜賊起上谷魏刀
兒自號歷山飛衆十餘萬劫掠燕趙詔辨發步騎三千擊敗之
其後賊帥郝孝德孫宣雅時季康竇建德魏刀兒等往往屯聚
大至十萬小至數十寇掠河北辨進兵擊之所往皆捷

趙才煬帝大業中以行軍總管從征吐谷渾才與衛尉劉權兵
部侍郎明雅等出合河道與賊相遇擊破之以功進位金紫光
祿大夫

裴仁基大業中為武賁郎將從將軍李景討叛蠻向思多於黔
安以功進銀青光祿大夫又擊吐谷渾於張掖破之

陳陵大業中為武賁郎將與朝儀大夫張鎮州發東陽兵擊琉
球國分為五軍趨其都邑其王歡斯渴剋率衆數千拒逆稜
遣鎮州為先鋒擊走稜乘勝逐北至其柵渴剋背柵而陣稜
盡銳擊之從辰至未苦鬪不息渴剋自以軍疲引入柵稜遂
填塹攻破其柵斬渴剋獲其子島槌虜男女數千而歸進位
右光祿大夫遼東之後以宿衛迁左光祿大夫明年帝復征遼
東稜為東萊留守楊玄感之作亂也稜率衆萬餘人擊平黎陽
斬玄感所署刺史元務本尋奉詔於江南營戰艦至彭城賊率

孟讓衆將十萬據都梁宮阻淮為固稜潛於下流而濟至江都率衆襲讓破之以功進位光祿大夫賜爵信安侯後帝幸江都宮而李通據海稜左才相掠淮北杜佛威屯六合衆各數萬帝遣稜率宿衛兵擊之往往尅捷超拜右御衛將軍

楊義臣大業中為左光祿大夫從煬帝征遼東時渤海高士達清河張金稱並相聚為盜衆已數萬攻陷郡縣帝遣將軍段達討之不能尅詔義臣率遼東還兵數萬擊之大破士達斬金稱又收合降賊入豆子旣討格謙擒之以狀聞奏帝惡其名遽追入朝賊由是復盛義臣以功進位光祿大夫

元成壽大業中為左親衛郎將楊玄感之亂也從刑部尚書衛玄擊之以功進位正議大夫拜西平通守

斛斯万善大業中從衛玄討楊玄感頻戰有功及玄感敗走万善與數騎追及之玄感窘迫自殺由是知名

王世充大業中為江都守時厭次人格謙為盜數年兵十餘萬在豆子旣中世充帥師破斬之威振群賊又擊盧明月破之於南陽斬首數萬虜獲極多後還江都帝大悅自執盃酒以賜之唐張鎮州初仕隋為武賁郎將大業中汎海擊琉球國破之遷左衛將軍從帝江都於上江督運賊董道冲為阻進擊破之

屈突通仕隋大業中為左驍騎大將軍時秦隴盜賊蜂起以通為關內討捕大使有安定人劉迦諭舉兵反據雕陰郡僭號建元署百官有衆十餘萬稽胡首領劉拔真劉鷄子聚衆與迦諭相響應通發關中兵擊之賊衆大潰斬迦諭并首級萬餘於上

郡南山築為京觀虜男女數萬口而還從太宗圍洛陽竇建德且至太宗中分麾下以屬通令與齊王元吉圍守洛陽世克平通功為第一

劉德威仕隋大業末以校尉從左光祿大夫裴仁基討賊于淮左手斬魁帥李青蛙傳首行在所武德初為潞州道行軍總管領兵出太行山經略河內仍受太宗節度德威進兵拔懷州從擒竇建德平王世克皆有功

蘭謀仕隋大業末以鷹揚將軍劉守臨汾義旗建率所部來降從高祖平京城授左光祿大夫為太子左衛率又從太宗征宋金剛及王世克竇建德劉黑闥徐圓郎等皆有戰勲數蒙賞賜李藝隋大業末為幽州總管及聞高祖踐祚奉表歸國於是璽

書封王會劉黑闥舉兵高祖遣其弟監門將軍壽將兵與藝合勢攻劉黑闥藝率步騎數万破劉什善於徐河又進兵與太宗軍會於洛水太宗令為馬軍總管仍本兵從大軍擊賊有功武德三年竇建德侵幽州藝為總管擊走之斬首千餘級

蘭興粲為驍騎將軍武德元年梁師都寇靈州興粲擊破之俘斬二千餘人鄜州刺史梁禮叛擊破之俘斬千餘人

張論以左驍衛將軍為絳州道行軍總管武德元年討叛胡平之

鮮于盛為統軍武德元年王世克將高毗侵壽安盛斬首千餘級

趙欽為驃騎武德元年王世克將呂寶生眾七千人破盩厔縣

欽擊之斬首百餘級

王師仁為討捕使武德元年胡賊八千人掠涇陽師仁擊走之
王君廓武德初以上柱國從大軍東討別下轅轅羅川二縣王
世克遣將魏隱率兵拒之君廓撤營偽遁設伏以待之隱縱兵
疾進發伏破之又與諸軍下武牢執偽荆王行本擊王世克糧
運於緱氏沉其米船三十餘艘進爵彭國公邑三千戶

黃君漢武德初為行軍總管鎮于柏崖拒王克將高毗敗之封
號國公後從太宗擊東都別下迴落城及東都平賜黃金百兩
雜綵千餘段從平劉黑闥又破輔公柝皆有戰功

兵行恭武德初以光祿大夫從太宗討薛舉劉武周王世克竇
建德皆立殊勲授左驃騎貞觀中從侯君集平高昌封天水郡

公

裴行方武德初為右親衛中郎將從征遼東授右五步軍總管
破駐蹕陣攻安市城有功授右衛將軍又奉詔討茂州叛羌董
郎美大破之窮賊餘黨西至乞習山臨弱水而歸

馬三寶武德初以別擊叛胡劉拔真於北山破之又從平薛舉
遷左驍衛大將軍復從柴紹擊吐谷渾岷州先鋒陷陣斬其名
王前後虜男女數千口以功封新興縣

李大亮武德初為金州總管府司馬時王世克遣其兄子弘烈
據襄陽令大亮安撫樊鄧以圖進取亮進兵擊之所下十餘城
高祖下書勞勉後從太宗討吐谷渾為且末道行軍總管遇賊
於蜀渾山破之俘其名王虜雜畜五萬以功進爵為公

殷嵩武德初以陝東道行臺兵部尚書從討宋金剛與總管衛
孝節將軍秦武通別破賊將尉遲敬德于美良州拜吏部尚書
以功進爵鄖國公食三千戶

盧士良武德初以戰功為柱國其後党仁弘督運於穀州士良
以馬軍總管率兵為援遇王世克驍將葛彥彰接戰破之進下
慈間城擒其守張曉復從平宋金剛

劉弘基武德初以秦王府左一總管從太宗屯于柏壁率兵二
千自隰州趣西河斷賊歸路時賊鋒甚勁弘基堅壁不敢進及
金剛遁弘基率騎邀之至于介休與太宗會追擊大破之貞觀
中為輔國大將軍遼東之役以弘基為前軍大將軍從擊高延
壽於駐蹕山力戰有功累蒙優賞

公孫武達武德初為秦王府長捨車騎從太宗討劉武周力戰
功最後為右監門將軍合擊鹽州叛突厥可邏拔扈武達弘基
引兵直趨靈州至波羅迴及之賊方渡河見武達至據河南岸
與武達相持武達泊船引兵擊之斬可邏拔扈殺傷幾盡進封

東萊郡公

盛彥師武德初以行軍總管與史萬寶鎮宜陽以拒東寇斬李
密擒王伯當以功封葛國公拜武衛將軍

秦叔寶武德初以馬軍總管從太宗北征於美良川破尉遲敬
德功最居多尋授秦王府右三統軍從破宋金剛於介休從討
王世克每為前鋒又從平劉黑闥累授上柱國左武衛將軍封
翼國公

程知節武德初以秦王府左三統軍破宋金剛擒竇建德降王世充並領左一馬軍總管每陣先登以功封宿國公顯慶初為葱山道行軍總管與賀魯所部歌邏祿及處月戰於榆慕谷大破之斬首千餘級獲駝馬牛羊萬計副將周智度攻其突騎處木昆等於咽城拔之斬首三萬級虜獲甚衆

張士貴武德初為光祿大夫累有戰功賜爵新野縣公從太宗平東都授號州刺史貞觀七年以右武侯將軍破反遼而還

段志玄武德初為光祿大夫從劉文靜拒屈突通于潼關以功授樂遊府驃騎將軍後從討王世充破竇建德功又居多遷秦王府右三統軍

段德操以武衛將軍為延州道行軍總管武德二年梁師都侵延州德操擊破之斬首三千餘級五年擊師都石堡大破之俘斬千餘人師都僅以身免

李靖武德二年以秦王幕府從討王世充以功授開府時蕭銑據荊州遣靖安輯之輕騎至金州遇蠻賊數萬聚山谷靖與廬江王瑗擊之多所克獲會開州蠻首冉肇則反率衆寇夔州趙郡王孝恭與戰不利靖率衆八百襲破其營臨陣斬肇則俘獲五千餘人四年以行軍總管攝孝恭行軍長史集兵於夔州討蕭銑破之以功授上柱國封永康縣公六年輔公柘反於丹陽靖又副孝公以討平之貞觀三年突厥諸部離叛朝廷將圖進取以靖為代州道行軍總管率驍騎三千自馬邑出其不意直趣惡陽嶺以逼之四年二月次陰山擊頡利可汗大破之滅其

國復定襄常安之地斥土界于大漠露布以聞

李仲文為行軍總管武德三年劉武周遣將軍張萬歲侵浩州仲文擊走之俘斬數千人

郭行方為襄州道安撫使武德四年攻蕭銑郡州剋之九年為益州刺史行臺尚書擊眉州叛獠之衆大破之

李勣武德四年以陵州刺史從太宗伐王世充于陳都累戰大捷又東畧地至武牢偽鄭州司兵沈悅請翻武牢勣夜潛兵應接剋之擒其偽刺史荆王行本從太宗振旅而還論功行賞太宗為上將勣為下將與太宗俱服金甲乘戎輅告捷於大廟又從太宗破劉黑闥徐圓郎累迁左監門大將軍圓郎重據兗州反授勣河南大總管以討之尋獲圓郎斬首以獻七年詔與趙

郡王孝恭討輔公柘孝恭領舟師巡江而下勣領步卒一萬渡淮拔其壽陽至硤石公柘之將陳正通率兵十萬屯于梁山又遣其大將馮慧亮率水軍十萬錙連大艦以斷江路仍於江西結壘分守水陸以禦王師勣攻其壘尋剋之慧亮單牒而遁乘勝逼之正通大潰以十餘騎奔于丹陽公柘棄城夜遁勣縱騎追斬之於武康江南悉定太宗即位拜并州都督賜實封九百戶貞觀三年為通漢道行軍總管至雲中與突厥頡利可汗兵會大戰于白道突厥既敗屯營于磧口遣使請和詔鴻臚卿唐儉往赦之勣時與定襄道大總管李靖軍會與議曰頡利雖敗人衆尚多若走渡磧保于九姓道逕阻深追則難及今詔使唐儉至彼必弛備我等隨後襲之此不戰而平賊矣靖扼腕喜曰

公之所言乃韓信滅田橫之策也於是定計靖將兵逼夜而發
勦勒兵往進靖軍既至賊營大潰頡利與萬餘人欲走渡磧勦
屯軍於石口頡利至不得渡磧其大酋長率其部落並降于勦
虜五萬餘口而還勦為并州大都督長史十五年徵拜兵部尚
書未赴京會薛延陀遣其子大度設帥騎八萬南侵李思摩部
落命勦為朔州行軍總管率驃騎三千追延陀於青山擊大破
之斬其名王一人俘獲首虜五萬餘計以功封一子為縣公十
九年太宗親征高麗授勦遼東道行大總管攻破蓋牟遼東白
崖數城以功封一子為郡公高宗總章元年為遼東道行軍大
總管率兵平高麗加太子太師賜食實封通前一千一百戶
李安遠武德中為左武衛將軍破宋金剛平王世克擒劉黑闥
皆有戰功

尉遲敬德武德中以秦王府左一統軍從太宗擊王世克大破
之又從討劉黑闥於臨洛敬德率壯士犯圍而入大破賊陣又
從破徐圓郎累有戰功授秦王府左二副護軍武德末以行軍
總管與突厥戰于涇陽大破之獲其俟斤阿史德烏沒啜斬首
千餘級

許紹武德中以陝州刺史為行軍總管時蕭銑遣兵入陝破紹
擊走之進圍安蜀鎮副將朱士陸殺其大將率士眾來降於紹
紹又遣子智仁及裨將李引郎攻荆門鎮破之

柴紹武德中以左翊衛大將軍從太宗平薛舉破宋金剛攻平
王世克於洛陽擒竇建德於武牢封霍國公賜實封千二百戶

九年為左武大將軍擊突厥於秦州大破之斬其特勒一擒大將三人斬首千餘級

竇軌武德中以光祿大夫鎮秦州會赤排羗作亂軌與康州刺史楊師道擊破之餘黨悉降後率兵擊東都高祖引其將校五百人宴賜而遣之及還鎮於益州許以便宜從事時巴隆等數州隆今山獠作亂軌擊破之還至方山群獠潛相聚結夜襲軌營軌逆擊之戰數合賊始敗前後虜女二萬口又屬党項寇松州詔軌援之又令扶州刺史蔣善合與軌合勢時党項引吐谷渾之衆其鋒甚銳軌等分軍於宕昌岷山二道俱進軌師未至善合先期至錯川遇賊力戰走之高祖因令軌耀兵於臨洮酋首王子貢等詐降於軌収而斬之進擊左封破其部衆

錢九隴武德中為左監門郎將從平薛仁果劉武周以前後戰功累授右武衛將軍其後從太宗擒獲竇建德平王世充從隱太子討劉黑闥於魏州力戰破賊策勲為最累封郟國公仍以本官為苑遊將軍

盧祖尚武德六年以光州刺史從趙郡王孝恭討輔公祐為前軍總管攻其宣歙二州克之進擊賊帥馮慧亮陳正通並破之賊平以功授蔣州刺史

張公謹太宗貞觀初以代州都督副李靖經略突厥破定襄敗頡利璽書尉勞封郟國公

蘇定方為正道府折衝貞觀初隨李靖襲突厥頡利于磧口靖使定方率二百騎為前鋒乘霧而行去賊一里許忽然霧歇望

見其牙帳馳掩殺數十百人頡利及隋公主狼狽散走餘衆俯伏靖軍既至遂悉降之軍還授左武衛中郎將永徽中以左衛中郎將從左衛大將軍程鄖征賀魯有功擢為行軍大總管率兵盡平西域生擒賀魯而還顯慶五年授熊津道大總管率兵討平百濟定方前後滅三國皆生擒其主賞賜珍寶不可勝紀薛万徹貞觀初為柴紹之副擊梁師都于朔方會突厥四面而至官軍稍却万徹與兄万均橫出擊之斬其騎將虜陣既亂因而乘之殺傷被野鼓行而進遂圍師都降其城後從李靖擊突厥頡利可汗於塞北以功授統軍及靖將擊吐谷渾請万徹同行與諸將各率百餘騎先行卒與虜數千騎相遇万徹單騎馳擊之虜無敢當還謂諸將曰賊易與耳躍馬復進諸將隨之斬數千級又與兄万均破吐谷渾天柱王於赤水源獲其雜畜二十萬計万鈞官至左屯衛大將軍封潞國公万徹後為蒲州刺史會薛延陀率迴紇同羅之衆度磧南擊李思摩萬徹副李勣援之與虜相遇率數百騎先鋒擊其陣後騎皆散退賊顧見遂大潰追之數十里斬首三千餘級獲馬万五千匹以功別封一子縣侯後為青丘道行軍大總管率甲士二萬自萊州泛海伐高麗入鴨綠水百餘里至洎灼城高麗震惧多棄城而遁洎灼城主所扶孫帥步騎萬餘人拒万徹遣右衛將軍裴行方領步卒為支軍繼進万徹及諸軍乘之賊大潰奔走百餘里於陣斬所扶孫進兵圍洎灼城其城因山設險阻鴨綠水以為國攻之未拔高麗遣將高文率烏骨安地諸城兵三萬餘人來援分置

兩陣万徹分軍以當之鋒刃纔接而賊大潰
張儉貞觀初以軍功累迁朔州刺史後為檢校營州都督府事
營州所管契丹奚靺鞨諸蕃皆隣接境粟末靺鞨最近高麗
引衆數千來寇儉率鎮兵及諸藩首領邀擊之斬獲略盡璽書
慰勞拜營州都督及行軍總管征遼東時有獲高麗侯者稱莫
離友將至遼東詔儉率兵新城路邀莫離友竟不敢出儉因進
兵渡遼趨建安城賊徒大潰斬首數千級以功累封皖城郡公
賞賜甚厚

新刊監本冊府元龜卷之二百五十七

新刊監本冊府元龜卷之二百五十八

將帥部 一十九

立功第十一

唐張寶相為大同道行軍副總管貞觀四年寶相獲頡利可汗
於塞表其沙鉢羅設蘇尼失以餘衆舉國來降

牛進達為升江府統軍貞觀七年陵嘉二州獠反令進達率衆
往擊破之尋拜左武衛將軍又二十一年從征高麗至駐驛山
與司徒長孫無忌率軍出自賊後先發奮擊大破之師旋拜左
武衛大將軍又與右武衛將軍李海崖等俘海以伐高麗襲破
石城虜男女數百人進次積利城高麗列陣來戰進達擊之斬
首二千餘級

張士賓為行軍總管貞觀八年討東西王洞反獠平之

姜確為左屯衛將軍貞觀中高昌之役以為交河道行軍副總管率眾數千先大軍出伊吾趣柳谷依山採木造攻城器械其地有班超紀功碑確磨去文刊頌國威而去遂與侯軍集等滅高昌力戰有功軍還封金城郡公食邑二千戶

劉師立為岷州都督貞觀中河西党項丑氏常為邊患又阻新附奉詔擊破之丑氏大惧遁於山谷師立至卹于真山與吐谷渾相遇擊破之多所虜獲而師還

張士貴貞觀中為屯衛大將軍時薛延陀犯塞士貴督夏州騎士陪道邀擊大破之

契苾何力為左軍將軍貞觀中與將軍薛万均征吐谷渾万均為賊所攻何力救之獲免時吐谷渾主在突倫川何力復欲襲之万均懲其前敗固言不可何力曰賊非有城郭遂水草以為生若不襲其不虞便恐鳥驚魚散一失機會安可傾其巢穴耶乃自領驍兵千餘騎直入突倫川襲破吐谷渾牙帳斬首數千級獲駝馬牛羊二十餘万頭渾主脫身以免俘其妻子而還后為右驍衛大將軍永徽一年正月處密叛以何力為弓月道大總管討平之擒其渠帥處密特健侯斤等以歸乾封元年又為遼東道行軍大總管兼安撫大使高麗有眾十五萬屯於遼水又引靺鞨數万據南蘇城何力奮擊皆大破之斬首萬餘級乘勝而進凡拔七城乃迴軍會英國公李勣於鴨綠水共攻辱夷大行二城破之勣頓軍於鴨綠柵何力引蕃漢兵五十萬先臨

平襄勳乃繼至拔平襄城執男女虜其王還席君買為果毅都尉貞觀十五年率精騎百二十襲擊吐谷渾之丞相宣王破之斬其兄弟三人初丞相宣王專其國權陰謀作難詐言祭山神于吐蕃期有日矣諾曷鉢知而大惧率輕騎走鄯城所部威信王以兵迎之君買除其害國人仍相驚擾詔遣戶部尚書唐儉中書舍人馬周持節慰撫之其衆乃安

郭孝恪為安西都護貞觀十八年詔孝恪討焉耆乃選步騎三千出銀山道以焉耆王弟粟婆准為鄉道焉耆所都城四面有水自恃其固不虞於我孝恪倍道兼行夜至城下潛遣將士俟水而渡及明一時攀堞鼓角齊震城中大擾孝恪縱兵擊之虜其王突騎支斬首虜七千級以粟婆准為軍鄉道有功留攝國事而還時屈利啜將兵來援焉耆以勁騎五千追孝恪至于銀山之下孝恪逆擊破之追奔數十里而還

田仁會為左武侯中郎將貞觀十八年太宗征遼發後薛延陀數萬騎抄掠河內帝令仁會及執失思力率兵擊破之逐北數百里延陀脫身走免帝嘉其功降璽書慰勞

楊弘禮為兵部侍郎貞觀十九年從太宗征遼領馬步二十四軍出其不意以擊之所向摧破二十一年為崑山道大總管諸道副大總管軍將咸受節度於是破處月降密殺焉耆王降馭支部落獲龜茲于闐王凱還

喬師望為夏州都督貞觀二十年與右領軍大將軍執夫思力等擊薛延陀大破之斬獲二十餘人

梁建方為右武侯將軍貞觀二十二年擊松外蠻破之初雋州

都督劉伯英上言松外諸蠻雖暫降款旋既背叛請出師討之
西洱河天竺道可通也由是建方發蜀州十二州兵討之蠻師
雙舍率衆拒戰建方擊破之殺獲千餘人群蠻震擾各竄山谷
建方分遣使者說以利害爭來款附前後至者七十餘部戶十
萬九千三百建方置其首領蒙和為縣令各統所部莫不感悅
建方乘勝遣使往西洱河其帥楊盛見使至大駭具航將遁使
者曉諭禍福示以威信盛遂稽顙請降遣首領十人來謁軍門
建方振旅而還及至太宗勞其勤苦賜以上駟

趙孝祖為朗州道總管高宗永徽三年大破白水蠻其地與青
蛉弄棟相接酋長楊承顛私自署侵陵隣境朗州都督任懷王
屢招懷之承顛不從攻劫又數及孝祖軍至夷人多棄城投險
准小勃弄酋長師盛守白旗城率步騎一萬逆戰孝祖破之斬
師盛首進至大勃弄承顛嬰城自固孝祖遣人招之承顛大罵
無禮孝祖進軍攻之臨陣獲承顛餘衆走險往往屯聚大者數
萬小者數千人孝祖與戰皆破降之西南夷遂定

程名振為營州都督兼東夷都護顯慶二年率兵破高麗於貴
端水焚其新城殺獲甚衆薛仁貴為左領軍郎將顯慶二年詔
副程名振於遼東經畧大破高麗於貴端水焚其新城斬三千
級龍朔元年授左武威衛將軍封河東縣男其後攻九姓從李
勣平高麗皆有大功

劉仁軌為檢校帶方州刺史兼熊津道行軍長史顯慶五年大
軍征遼仁軌仍別領水軍二萬襲破倭賊數萬於白江虜掠船

艦四百餘艘倭賊及耽羅等國皆遣使詣之請降初仁軌將發帶方州謂人曰天將富貴此翁耳於州司請曆日一卷并七廟諱人怪其故答曰擬削平遼海頒示國家正朔使夷俗尊奉焉至果以軍攻顯正除帶方州刺史又檢校熊津都督總知留鎮兵馬事咸亨五年為鷄林道大總管東伐新羅仁軌徑度瓠蘆河破其北方大鎮七重城以功進爵為公并子姪二人並授上柱國州黨榮之

高倨為東州道行軍總管左監門大將軍咸亨三年與高麗餘衆戰于白水山大破之特新羅還將救高麗以拒官軍倨與副將李謹行等引兵迎擊之高麗斬首二千級

李謹行為燕山道總管右領軍大將軍咸亨四年大破高麗叛徒於瓠蘆河之西俘獲數千人自是平壤餘衆走投新羅

黑齒常之為左領軍員外將軍儀鳳中吐蕃入寇從河西道大總管李敬玄拒之總管劉審禮之沒於陣敬玄欲抽軍却阻泥溝而計無所出常之夜率敢死五百人進斫賊營吐蕃大將跋棄軍霄遁高宗大悅擢授左武衛將軍永隆二年為河源道經畧大使率兵以討吐蕃軍至良非川吐蕃大將贊婆引退常之進軍追討獲其羊馬甲杖而還垂拱三年八月突厥骨咄祿元軫寇朔州常之為燕山道大總管擊賊於黃花堆大破之追奔四十餘里遂散走磧北

裴行儉為定襄道行軍大總管調露二年大破突厥於黑山擒其首領奉職偽可汗泥熟匐為其下所殺斬其首來降

竇懷哲為岱州都督調露二年突厥餘衆圍雲州懷哲與左領軍中郎將程務挺率兵擊破之

程務挺為右衛將軍封平原郡公永淳二年綏州城原平縣人白鐵餘率部落稽之黨據縣城反偽稱號置百官又進寇綏德殺掠人吏焚燒村落務挺與夏州都督王方翼討之務挺進攻其城拔之生擒白鐵余盡平其餘黨又以功拜左驍衛大將軍李孝逸為玉鈴衛大將軍則天文明元年李敬業據揚州亂詔孝逸討破之斬首七千級投于鷄水死者數千追奔二十餘里敬業窘急與其弟敬猷及唐之竒杜求仁駱賓王等輕騎遁走至江都攜其子奔潤州又將逃入海投于高麗孝逸乘勝進據揚州分遣將士捕之敬業至海陵界阻風頓於灘上其偽將王

那相斬敬業及敬猷賓王而降傳其首于東都求仁之竒等咸赴水而死揚潤楚三州悉平

馬敬臣為揚州道副總管文明元年李敬業據揚州亂敬臣與賊帥慰遲昭戰于都梁山斬之盡降其衆

魏元忠為侍御史李敬業於揚州作亂元忠督軍征之敬業平授司刑正

王果為廣州都督垂拱元年討嶺外反獠平之

王孝傑為武威軍總管長壽元年與阿史那忠節大破吐蕃克復龜茲于闐疎勒碎葉等四鎮

唐休璟為隴右諸軍大使乂視元年吐蕃贊普遣將麴莽布友寇涼州圍逼昌松縣休璟與莽布友戰于洪源谷斬其副將二

人獲首二千五百級

陳大慈為都督長安二年十月吐蕃贊普率眾萬餘人寇悉州大慈與賊四戰皆破之斬首千餘級

唐九州為姚雋道討擊使中宗神龍三年擊姚州叛蠻敗之俘虜三千餘計遂樹碑以紀功焉

郭處瓘為右衛將軍北庭都護玄宗開元二年突厥默啜遣其子同俄特勒率眾寇北庭處瓘擊敗之斬同俄於城下突厥女壻火拔頡利發石阿失畢與同俄特勒同領兵同俄之死惧不敢歸遂與其妻歸降處瓘以破賊功拜冠軍大將軍行右驍衛大將軍封太原郡開國公

郭知運為伊吾軍使開元二年副郭處瓘破突厥於北庭以功封介休縣公擢拜右武衛將軍其年秋吐蕃入寇知運與薛訥王駿等倚角擊敗之拜知運鄯州都督隴右諸軍節度大使四年冬突厥降戶阿悉爛跌思素等率眾反詔知運領朔方兵橫擊之大破賊眾於黑山呼延六年又率兵入討吐蕃賊徒無備遂掩至九曲獲鎧甲及馬犂牛等數萬計拜知運為兼鴻臚卿御史丞八年六州胡康待賓反詔知運與王駿討平之拜左武衛大將軍

阿史那獻為北庭大都護瀚海軍使開元二年梟突厥都擔首獻于闐下并擒其孥及胡祿等部落五萬餘帳內屬

王駿為隴右群牧使開元二年攝右羽林將軍薛訥邀擊吐蕃至武街谷去大來谷二十里為賊所隔駿率兵迎訥之軍賊置

兵於兩陣之間連亘數十里駿夜出壯士銜枚擊之賊大潰乃與訥合軍掩其餘衆追奔至洮水殺獲不可勝數盡收所掠牧馬而還以功加銀青光祿大夫封清源縣男兼源州都督其後降虜既叛勅駿帥并州兵西濟河以討之殺一千五百餘人生獲一千四百餘人馳馬牛羊甚衆以功遷散騎常侍持節朔方道行軍大總管

孫仁獻為松州都督開元四年大破吐蕃于城下初仁獻率驍勇侯夜掩入賊營亂斫之賊駭慄奔散乃以刀斫馬脚而自潰帝聞之特命御史就松州錄其勞降書慰勞仁獻及將吏

張說為并州大都督開元九年胡賊康待賓率衆反據長泉縣自稱葉護攻陷蘭池等六州詔王駿率兵討之仍令說相知經畧時叛胡與党項連結收銀城連谷以據倉糧說統馬步萬人出合河関掩擊大破之追至駱駝堰胡及党項自相殺阻夜胡乃西遁入鐵建山餘黨潰散說招集党項復其居業其年拜兵部尚書同中書門下三品十年為朔方軍節度大使時康大賓餘黨慶州方渠降胡康頊子自立為可汗舉兵反謀掠監牧馬西涉河出塞說兵進討擒之并獲其家屬於木盤山送京都斬之其黨悉平

張嵩為北庭節度使開元十年九月吐蕃圍小勃律王沒謹忙求救於嵩曰勃律之國是漢西門漢若失之則已西諸國並陷吐蕃矣都護其若之何嵩方開葱嶺既聞之許諾報曰國家西岳久被聲教王忠懃之至貫于神明何被大戎敢此凌侮嵩忝

司鎮禦必不容縱當整師徒為王翦滅謹忙大喜嵩乃遣疏勒副使張思禮率蕃漢馬步四千人赴援晝夜倍道兼進謹忙復乘勝出兵左右夾攻吐蕃大破殺其衆數萬收其器械牛馬等甚衆盡復其九城之故初勃律王來朝上視之為子於其國置綏遠軍以地隣吐蕃常為所困吐蕃每謂之曰我非謀于爾國假爾道以攻四鎮自嵩征之後不敢西向

趙頤貞為安西副大都護開元十六年敗吐蕃於曲子城

王君奐為河西隴右節度使開元十六年吐蕃將悉諾邏率衆入寇大小谷右移攻甘州焚燒市里而去君奐候其兵疲整士馬以掩其後會大雪賊徒凍死者甚衆賊遂取積石軍西路而還君奐令副使馬元慶裨將軍李車蒙追之不及君奐先令人

潛入賊境於歸路燒草悉諾邏還至大非山將息甲牧馬而野草皆盡馬死過半君奐與秦州都督張景慎等率兵襲其後入至青海之西時海水合將士並乘冰而度會悉諾邏已度大非山其輜重疲兵尚在青海之側君奐縱兵盡俘獲之及牛馬數萬君奐以功迁右羽林軍大將軍

張審素為雋州都督開元十七年攻破蠻拔昆明城及監城殺獲萬人

王忠嗣為左威衛郎將專知行軍兵馬開元二十一年秋吐蕃大入忠嗣以所部策馬而前殺數百人賊衆遂亂三軍翼而擊之吐蕃大敗忠嗣以功最詔拜右金吾衛將軍天寶中累迁河東朔方節度使頻戰青海積石皆大尅捷又伐吐谷渾於墨難

虜其金國而歸

張守珪為幽州長史河北節度副大使開元二十二年發兵討契丹斬其王屈烈及其大臣可突干等傳首東都餘衆及叛奚皆散山谷立其酋長李過折為契丹王二十五年為幽州節度使破契丹餘黨於榛祿殺山殺獲甚衆

蓋嘉運為磧西節度使開元二十七年大破突騎施于碎葉城之東賀邏嶺擒可汗吐火仙及葉護特勒及弟撥斯獲駝馬牛羊數千計初嘉運銜命招輯突騎施拔汗那巴西諸國會突騎施可汗蘇祿死其子吐火仙嗣立與葉護特勒首領都磨度竊據碎葉城又引黑姓可汗爾微特勒據怛邏斯城以拒官軍嘉運自率精兵攻碎葉與火仙接戰火仙棄旗而走遂擒之分遣

疎勒鎮守使夫蒙靈詒統驍雄與拔汗那王俱進掩其不備遂入怛邏城斬其汗爾微特勒及弟撥斯其黨遂遣其入曳建城因收得交河公主獲蘇祿可敦爾微可敦遂收諸散落百姓凡數萬人悉付拔汗那王阿悉爛達于以歸諸國皆來歸附

裴敦復為河南尹天寶三載屬狂賊吳令光扇聚兇黨於台明間據海以叛詔敦復持節率晉陵大守劉巨鱗統兵討之敦復既至江夏賊黨自潰生擒令光以獻玄宗嘉其功拜刑部尚書王難德為金吾衛郎將天寶初以并定戎城破木柵功授威衛羽林將軍七載從哥舒翰擊吐蕃於磧石軍擒吐谷渾王子悉弄恭及子壻悉頰藏累拜左武衛大將軍充關西遊奕使九載破吐蕃收其五擒又破樹敦城加白水軍使十三載從收九曲

加特進至德中為鳳翔都知兵馬使難德後遇安慶緒於滄陽誘以入壁擊破之封琅邪郡公

高仙芝為安西副都護四鎮都知兵馬使小勃律國王為吐蕃所招妻以公主西北二十餘國皆為吐蕃所制貢獻不通即度使田仁琬蓋嘉運夫蒙靈登累討之不捷天寶五載特勅仙芝以馬步萬人為行營節度往討之自安西行十五日至揆換城三十餘日至握瑟德又十餘日至疎勒又二十餘日至葱嶺守捉又二十餘日至蕃密川又二十餘日至特勒滿川仙芝乃分為三軍使疎勒守捉趙崇泚統三千騎趣吐蕃連雲堡直北谷入使揆換守捉賈崇瓘自赤佛堂入仙芝與中使邊令誠自護密國入約七月十三日辰時會于連雲堡遂登山挑擊從辰至巳大破之至夜奔逐殺四五千人生擒千人餘並走散得馬千餘疋軍資器械不可勝數仙芝遂進至勃律國招諭其王并公主出降並平其國六載八月仙芝虜勃律王及公主取赤佛堂路班師制授仙芝鴻臚卿攝御史中丞代靈登為四鎮節度使統兵鎮九載討石國平之獲其王以歸

哥舒翰為隴右節度使先是吐蕃石堡城路遠而險久不拔天寶八載詔翰率河東西靈武及突厥阿布思等兵士六萬三千攻城拔之更名神武軍分兵鎮守翰以功拜鴻臚員外卿

李忠臣本姓董名秦天寶中歷仕幽州節度薛楚王張守珪安祿山等頻征討積功勞迂折衝郎將左武衛將軍同正平盧軍先鋒使及安祿山反與其倫輩密議殺偽即度使呂知誨立劉

正臣為節度使正臣以忠臣為兵馬使功長楊戰獨山襲榆關
北平殺賊將申子貢榮先欽擒周釗送京師忠臣功多又從正
臣破漢陽將李歸仁李感義白秀芝等來拒戰約十合並摧破
之無何潼關失守郭子義李光弼退師忠臣乃引軍北歸奚王
阿篤孤初以衆與正臣合後乃言請以萬餘騎同收范陽至后
城南中夜反攻正臣忠臣與戰逐至溫泉山破擒之大首領阿
布離斬以祭纛釁鼓正臣卒又與衆議以安東都護王玄志為
節度使至德二年正月玄志令忠臣以步卒三千自雍奴為葦
筏過海賊將石庭烏洽來拒忠臣與董竭忠追之轉戰累日遂
收魯城河間景城等大獲資糧以赴本軍復與大將田神功率
兵討平原樂安郡下之擒偽刺史臧瑜等防河招討使李銑承
制以忠臣為德州刺史屬史思明歸順河南節度張鎬令忠臣
以兵赴鄆州與諸將收河南州縣又與裨將錫惠元大破賊將
王福德于舒合口肅宗累下詔褒慰仍令鎮濮州尋移韋城乾
元元年九月改光祿卿同正其年與郭子儀等九節度圍安慶
緒於相州明年三月諸軍潰歸忠臣亦退至滎陽賊將敬皇來
襲官航忠臣大破之獲米二百餘艘以資汴軍事尋拜濮州刺
史緣河守捉使移鎮杏園渡及史思明陷汴州節度使許叔冀
與忠臣並力屈降賊思明撫忠臣背曰吾臂只有左手今得公
兼右手矣與俱寇河陽數日忠臣夜以五百人斫其營突圍歸
光弼光弼以聞詔加開府儀同三司殿中監同正賜實封二百
戶召至京師賜姓李氏名忠臣封隴西郡公賜良馬庄宅銀器

綵物等時陝西神策兩節度郭英又衛伯玉鎮陝州以忠臣為
兩軍節度兵馬使魚朝恩亦在陝俾忠臣與賊將李歸仁李感
義等戰于永寧莎柵前後十陣皆摧破之會淮西節度王仲昇
為賊所擒寶應元年七月拜忠臣太常卿同正兼御史中丞淮
西十一州節度使尋加安州刺史仍鎮蔡州其年令忠臣會元
帥諸軍收復東都二年六月就加御史中丞時迴紇可汗既歸
其國劉判官安恪石帝庭于河南守禦財物因此招聚亡命為
寇道路擁隔詔忠臣討平之永泰元年吐蕃犯西陲京師戒嚴
代宗命中使遣兵諸道時多不赴難使至淮西忠臣方會鞠郎
令整師飭駕監車大將固請曰軍行須擇吉日忠臣奮臂與衆
曰馬有父母遇害難待擇好曰方救患乎即日進發自此方隅
有驚忠臣必先期而至由是代宗嘉其忠節加本道觀察使寵
賜頗厚及同華節度周智光舉兵反詔忠臣與神策軍將李清
討平之大曆二年檢校工部尚書加實封通前三百戶五年加
蔡州刺史七年檢校右僕射知省事李靈曜之叛田承嗣使姪
悅援之忠臣與諸軍大破悅等汴州平

郭子儀為朔方節度兵馬使天寶十四載安祿山反詔以子儀
為衛尉卿充朔方節度使率本軍東討遂舉軍出戰于府州靜
邊軍斬賊將周萬頃傳首闕下祿山使大同軍高秀巖寇河曲
子儀大破之進拔雲中馬邑開東陘以功加御史大夫十五載
二月與大原節度使李光弼出玉門拔常山郡破史思明於九
門又南拔趙郡生擒四千人皆捨之斬偽大守郭獻璆獲器械

數十萬進軍而南思明以數萬衆躡其後子儀與光弼選驍騎
五百人更挑之三日至行在賊疲乃退因乘之大破於沙河會
玄宗西幸於是光弼保大原子儀朝於灵武至德元年加武部
尚書平章事賊將阿史那從禮以蕃虜五千騎出塞門誘河曲
九蕃府六胡州部落數萬皆從叛子儀率諸將合擊大破之斬
獲不可勝計河曲平子儀入塞而南收河東郡擊走偽將崔乾
祐二年四月進位司空充關内河東副元師是年九月副廣平
王東征子儀率迴紇及南蠻大食之衆十五萬屯京西南隅陳
於汶水西鎮北庭節度使李嗣業為前軍關内節度王思禮為
後軍子儀奉元師為中軍弥亘三十里賊將李歸仁安守忠衆
十萬陣於其北歸仁光簿我軍我軍將亂李嗣業前衝之殺十
餘騎乃定迴紇以騎兵出其後而夾攻之賊軍大潰斬首六萬
級偽將張通儒走陝州翌日子儀整軍入京師遂收華陰弘農
數日而東十月安慶緒悉師屯陝西負山為陣子儀以大軍攻
其前迴紇登山乘其背遇賊潛師於山中與鬪過期大軍稍却
賊分兵三千人絕我歸路衆心大搖子儀麾迴紇令進盡殺之
潛師馳至其後於黃埃中發十數矢賊驚顧曰迴紇來迴紇來
乃大潰疆屍遍山澤遂復東都以功加司徒封代國公食邑千
戶乾元元年九月與李弼等九節度之師討安慶緒大敗之獲
為鄭王安慶和以獻遂收衛州廣德元年十月吐蕃陷涇州虜
刺史高暉暉遂與蕃軍為卿道引賊深入京畿掠奉天武公濟
渭而南緣山而東渭北行營兵馬使呂日將逆戰于盤屋自辰

至酉殺蕃軍數千然其徒多殞賊將逼京師代宗計無所出遽
詔子儀為關內副元帥出鎮咸陽子儀自相州不利李光弼代
掌兵柄及徵還朝庭部曲散去及是承詔部下唯二十騎強取
民家畜產以助軍至咸陽蕃軍已過渭水其日天子避狄幸陝
州子儀聞帝避狄雪涕還京至則車駕已發射生將王獻忠從
駕沿路遂以四百騎叛仍逼豐王已下十王欲投於賊子儀入
開遠門遇之詰豐王等所向遂援送行在子儀以三千騎傍南
山至商州得武關防兵及六軍散卒四千招輯亡逸其軍漸振
蕃寇犯京城得故邠王守禮孫廣武王承完立帝號假署百官
子儀遣六軍兵馬使張知節烏崇福羽林軍使長孫全緒等將
兵萬人為前鋒營於韓公堆盛張旗幟鞞鼓震山谷全緒遣禁
軍舊將王甫入長安陰結少年豪俠以為內應一日齊擊鼓於
朱雀街蕃軍惶駭而去大將李忠義先屯兵苑中渭北節度使
王仲昇守朝堂子儀以大軍續進至涇西而射生將王撫自署
為京兆尹聚兵二千人擾亂京城子儀召撫殺之詔子儀權京
城留守子儀子晞少善騎射常從父以戰功授左贊善大夫又
從叔復二京力戰於陝西加銀青光祿大夫鴻臚卿同正叛兵
殺其帥李國貞荔非元禮於絳州詔以子儀至絳州誅首亂者
餘黨頗不安將謀復亂晞選精卒四千以待其父常持弓警夜
不寐者凡七日謀亂者不敢動以功拜殿中監同正廣德二年
僕固懷恩誘吐蕃迴紇來寇加晞御史中丞領月方軍前鋒擊
破之其冬懷恩又以吐蕃及迴紇寇邠州陣於涇北子儀令晞

將步兵五十騎五百出西門擊之以兵少相持不戰及暮乘其
退半渡擊大破之斬首五千余級連戰皆破之

李光弼為河東節度副使知節度事天寶十五載以朔方兵五
千會郭子儀軍東下井陘攻拔常山郡賊將史思明率眾數萬
來援常山光弼擊破之進收藁城等十餘縣南攻趙郡拔之授
河北節度使與賊蔡希德史思明尹子奇戰於常山郡之嘉山
大破賊黨斬首萬計生擒四千思明露髮跣足奔於博陵河北
歸順者十餘郡是歲玄宗幸蜀肅宗即位於靈武改元至德光
弼赴行在除戶部尚書北京留守以景城河間之卒五千赴大
原二年正月賊將史思明蔡希德高秀巖牛庭珍等四偽帥眾
十餘萬來攻光弼率敢死之士出擊大破之斬首七萬餘級軍
資器械一皆委棄以功轉檢校司徒收清夷橫野等軍擒賊李
引義以歸拜守司空乾元二年為天下兵馬元帥趙王係之副
知節度行營事河北節度度支營田經畧等使與九節度兵圍
安慶緒於相州史思明自范陽來救屢絕糧道光弼身先士卒
苦戰勝之思明既殺慶緒即偽位縱兵河南光弼以大尉無侍
中代郭子儀為朔方節度兵馬副元帥以東委之帥弼至河陽
思明於河陽城南築月城掘壕以拒光弼賊攻城光弼於中潭
城西大破逆黨五千餘斬首千餘級生擒五百餘人溺死者大
半光弼使將軍李抱玉守南城賊帥周摯攻之不下光弼置柵
於中潭城外賊捨南城併力攻中潭光弼連麾三軍俱進聲動
天地一鼓而賊大潰斬萬餘級生擒八千餘人軍資器械糧儲

數萬計臨陣擒其大將徐璜王李泰其大將安太清走保懷州
思明不知摯等敗尚攻南城光弼悉驅俘囚臨河以示之殺數
十人以威之餘衆俱投河赴南岸光弼皆斬之賊既敗走光弼
收懷州思明來救迎擊於沁水之上又破之月餘拔其城生擒
安太清周摯楊希文等送於闕下以功進爵臨淮郡王後為河
南淮南山東荆南等道副元帥出鎮臨懷史朝儀乘印山之勝
寇申光等十三州自領精騎圍李岑於宋州光弼徑赴徐州鎮
之遣田神功擊敗之浙東賊首袁昆攻剽郡縣浙東大亂光弼
分兵除討克定江左寶應元年進封臨淮王

僕固懷恩為左領軍大將軍同正隸安西節度使天寶末從郭
子儀討高秀巖于雲中破之又敗薛忠義于背度山下坑賊七
千騎生擒忠義男襲下馬邑郡進軍與李光弼合摯及史思明
戰于常山趙郡沙河嘉之山皆大破之懷恩功居多肅宗即位
於靈武懷恩從子儀赴行在所時同羅部落自西京叛賊北寇
朔方子儀與懷恩擊之遂破同羅千餘騎於河上盡收其器械
駝馬至德二年正月又從子儀下馮翊河東二郡走偽將崔乾
祐子儀既為廣平王元帥之副懷恩領廻紇兵以從之破賊於
陝西之新店收兩京皆立殊功以前後功加開府儀同三司鴻
臚卿同正負同節度副使封豐國公乾元二年進封大寧郡王
朔方行營節度使又從李光弼守河陽破周摯擒徐璜王安太
清收懷州皆摧鋒陷敵功冠諸將寶應初以同平章事領河東
朔方節度行營及鎮西廻紇兵馬會于陝州受天下兵馬元帥

雍王節度懷恩賈勇將廻紇兵前驅大破逆賊史朝義于洛陽朝義脫身潛遁殺賊十萬東都平遷左僕射兼中書令充河北副元帥乃席卷討除兩河諸州郡先為賊所陷者悉平旬日朝義傳首獻于闕下懷恩北極幽薊所向風靡

渾瑊初以戰功為中郎將天寶末安祿山反瑊從李光弼討河北郡縣賊將李立節素稱驍勇瑊射殺之特拜右驍衛將軍既而肅宗即位於靈州瑊統兵赴行在次天德軍遇蕃寇侵邊瑊又破之復從郭子儀收京都圍相州破賊於新鄉改檢校大僕卿克右武鋒使又從僕固懷恩討史朝義戰功居多朝義平加開府儀同三司大常卿興元元年三月瑊為奉天軍行營兵馬副元帥四月與吐蕃首領論莽羅合軍破朱泚偽將韓昭等於

武功瑊便赴奉天鳩合諸軍兵馬應李晟收京城朱泚既竄瑊率兵掩逐至岐陽已來仍令先鋒兵馬追躡至涇州賊將誅泚傳首來獻七月瑊為河中同陝虢等州節度及朔方行營副元帥令討李懷光與賊連戰數百陣貞元元年四月與諸軍大破賊衆降其驍將石崇憲尉遲珪徐庭光等遂收復同州長春宮至八月又與諸將摠兵圍河中賊將牛勣俊臬懷光首來降邢君牙為平盧兵馬使天寶末安祿山亂隨節度使侯希逸過海至青徐間田神功之討劉展君牙又從神功戰伐有功歷將軍試光祿卿神功既為兗鄆節度令君牙領防秋兵入鎮好疇時屬吐蕃陵犯代宗幸陝君牙隸屬禁軍扈從後又以戰功加鴻臚卿累封河間郡公建中初君牙隸禁軍扈從時河北諸節

帥叛換李晟率禁軍助馬燧等征之晟以君牙為都虞侯於武安襄國洹水魏縣清苑討賊有功君牙擒生斬級居多

曲環大寶末為果毅別將安祿山亂從襄陽節度魯照守鄧州拒賊賊將武令珣戰數十合環功居多超授左清道率別將兵守澤州破賊驍將安曉特拜羽林將軍又將別部兵合諸軍同討史朝義平河北累轉金吾大將軍並同正因隨李抱玉移軍京西大曆中領兵隴西頻破吐蕃加特進大常卿德宗初嗣位吐蕃大寇劔南詔環以幽隴兵五千馳行大破戎虜收七盤城武軍及維茂二州西戎奔遁環大振功名還加大子賓客賜以名馬錦綵又與諸將討涇州叛將劉文喜平之拜開府儀同三司兼御史中丞克邠隴西軍都知兵馬使時李納擁兵侵逼徐州令環與劉玄佐同救援累破李納逆黨環以功最加御史大夫

衛伯玉為武衛員外將軍肅宗即位興師靜難伯玉激憤思立功名自安西歸長安初為神策軍兵馬使出鎮陝州行營以功累遷右羽林軍大將軍元年建丑月以破永寧等縣逆賊功進位特進封河東郡公

馬璘為安西裨校累遷至金吾衛將軍同正至德元年王室多難璘統甲士三千自北庭赴于鳳翔肅宗竒之委以東討殄寇陝郊破賊河陽皆立殊功明年蕃戎寇邊詔璘援河西廣德初僕固懷恩不順誘吐蕃入寇代宗避狄陝州璘即日自河右轉闔戎虜間至於鳳翔時蕃軍雲合鳳翔節度孫志直方閉城自

守璘乃持滿外向突入轅門不解甲背城出戰吐蕃奔潰璘以勁騎追擊俘斬數千計血流于野由是雄名益振代宗還宮召慰勞之授兼御史中丞永泰初拜四鎮行營節度兼南道和蕃使委之禁旅俾清殘寇俄迂四鎮北庭行營節度及邠寧節度使兼御史大夫旋加檢校工部尚書以犬戎侵驕歲犯郊境涇州最隣戎虜乃詔璘移鎮涇州兼權知鳳翔隴右節度副使涇原節度涇州刺史四鎮北庭行營節度使如故復以鄭滑二州隸之璘詞氣慷慨以破虜為已任既至涇州分建營伍繕完戰守之具頻破吐蕃以其生厚厚城來獻前後破吐蕃約三萬餘衆

賀蘭進明為河南節度至德二年收高密琅邪等郡殺逆賊二

萬餘衆

王思禮為閩內節度使至德二年從元帥廣平王收西京又從司徒郭子儀戰陝城曲沃新店賊軍繼敗又於絳郡破賊六千餘衆器械山積馬牛十萬餘疋遷兵部尚書封崔國公乾元二年於潞城縣東直十嶺擊破史思明兵馬使楊是等一萬餘衆郝廷玉為大慰李光弼帳中愛將乾元中史思明再陷洛陽光弼拔東都之師保河陽時三城壁壘不完芻糧不支旬日賊將安大清等率軍數萬四面急攻光弼惧賊勢西犯河潼極力保孟津以倚其後晝夜嬰成血戰不解將士夷傷光弼召諸將訊之曰賊黨何面難坑或對曰西北隅最為勍敵乃亟召廷玉謂之曰克渠攻西北者難奈爾為我決勝而還辭曰廷玉所領步

卒也願得騎軍五百光弼以精騎三百授之光弼法令嚴峻是日戰不利而還者不解甲斬之廷玉奮命先登流矢雨集馬傷不能軍而退光弼登堞見之駭然曰廷玉奔還吾事敗矣促令左右取廷玉首來廷玉見使者曰馬中毒箭非敗也光弼命芻馬而復徑騎衝賊陣馳突數四俄而賊黨大敗於河壩廷玉擒賊將徐黃而還繇是賊解中渾之圍信宿退去前後以戰功累授開府儀同三司試大常卿封安邊郡王

李抱玉為鄭陳穎亳四州節度乾元中從大尉李光弼討史思明固河陽復懷州皆功居第一代宗即位擢為澤潞節度使加領陳鄭二州廣德元年冬吐蕃寇京師乘輿幸陝州諸軍潰卒及村閭逋客相聚為盜京城南面子午等五谷群盜充斥頗害居人朝廷遣薛景仙領兵為五谷使招討連月不捷乃詔抱玉兼鳳翔節度使討之抱玉審探知賊帥行止之處先分屯諸谷乃設竒潛使輕銳數百南自洋州入攻之賊帥高玉方與諸偷會遽為銳卒數十人掩擒之因大捷獲偷黨悉斬之餘黨不討自潰旬日內五谷平以功遷司空大曆十年抱玉奏大破吐蕃于隴州義寧縣

新刊監本冊府元龜卷之三百五十九

將帥部 二十

立功第十二

唐崔光遠為鳳翔節度使上元元年於普閏縣界破党項四千餘衆斬首二千餘級生擒一百餘人收獲駝馬牛羊器械等不可勝數

能元皓為青密等州節度使上元二年六月破史朝義下將為驃騎大將軍李元遇等馬步一萬人擒賊將馬登封等十人斬首五千餘級

張伯義初隸河東節度使李光弼以戰功累遷試大常卿上元中賊將表昆亂海浙光弼俾伯義與諸軍討之招綏叛亡平蕩

山洞功為第一由是擢授睦州刺史

李晟為鳳州節度使高昇列將上元中擊豐州叛羗於高當川又擊宕州連狂羗於牢山皆破之累遷左羽林大將軍同正廣德初節度使孫志直署晟總遊兵擊破完羗高玉等賊以功授特進光祿卿轉試大常卿大曆初李抱玉鎮鳳翔署晟為左軍都將四年吐蕃圍靈州抱玉遣晟將兵五千以擊吐蕃晟辭曰以衆則不足以謀則大多乃請將兵千人疾出大鎮關至臨洮屠定秦堡焚其積聚虜堡帥慕容谷鍾而還吐蕃因解靈州圍而去拜開府儀同三司涇原四鎮北連都知兵馬使累封合州郡王為右神策都將德宗即位吐蕃寇劔南時節度使崔寧在京師三川皆恐晟將神策兵萬五千救援晟乃踰漏天攻拔飛

越郭清肅寧三城絕大渡河獲首虜千餘級虜引去因留成都數月而還建中二年魏博田悅反將兵圍臨洛刑州詔以晟為神策先鋒都知兵馬使與河東節度馬燧昭義節度李抱真合兵救臨洛諸軍皆却晟引兵渡洛水乘冰而濟橫擊悅軍王師復振擊悅大破之三年正月復以諸道軍擊敗悅軍於洹水遂進攻魏州以功賜賞封百戶四年冬德宗幸奉天詔晟赴難授神策行營節度使實封二百戶自河中由蒲津而軍渭北辟東渭橋以逼朱泚累加同平章事興元元年正月二十五日夜移軍於光泰門米倉村以薄京城晟臨高指麾令設壕柵以俟賊軍俄而賊衆大至晟遣吳詭康英俊史萬頃孟涉等縱兵擊之時華州營在北兵少賊併力攻之晟遣李演孟日華以精卒救

之中軍鼓譟演力戰大破之乘勝入光泰門再戰又敗之僵屍蔽地餘衆走白華夜聞慟哭之聲二十八日晟大集諸將陳兵於光泰門外乃使王佖李演率騎軍史萬頃領步卒直抵苑牆神麿村萬頃先登拔柵而入佖騎軍繼進賊即奔潰大軍分道並入鼓譟雷動賊將姚令言張庭芝李希倩猶力捍官軍晟令唐良臣趙光鈺楊萬榮孟日華等步騎齊進賊軍陣成而屢北戰十餘合乘勝驅蹙至于白華忽有賊騎千餘出於軍官之背晟以麾下百餘騎擊之左右呼曰相公來賊聞之警潰官君追斬不可勝計朱泚姚令言張庭芝尚有衆萬人相率遁走晟遣田子竒追之其餘克黨相率來降京城平以功拜司徒兼中書令實封一千戶克鳳翔隴州節度使兼隴右涇原節度管内諸軍及四鎮北庭行營兵馬副元帥封西平郡王貞元二年十月出師襲吐蕃摧沙堡拔之斬其堡使扈屈律悉蒙等王佖李晟之甥自河西河北出師佖無役不從朱泚之亂以河中兵馬使隨晟討賊晟攻賊於光泰門賊鋒尚勁佖與兵馬使李演踰苑牆血戰敗賊前鋒諸軍方振論功為神策將呂日將為興鳳等州招討使代宗寶應元年日將於興州三唃谷大破羌賊三千餘衆

嚴武為劔南節度使廣德二年破吐蕃七萬餘衆拔當狗城又拔監川城

崔寧本名旰為漢州刺史廣德中吐蕃與諸雜羌戎寇陷西山拓靜諸州詔劔南節度使嚴武收復武急召寧統兵出西山寧

尅躬撫士皆願致死命始次賊城周圍皆石礮攻具無所設唯東南隅環伏之地壤土可穴謀知之以告寧晝夜穿地道攻之再宿而拔其城因西拓地數百里下城砦數四蕃衆相語曰崔旰皆神兵也將更前進以糧盡還師武大悅裝七寶輿迎寧入成都以誇士衆賞賚過厚

王棲曜為浙東馬軍兵馬使廣德中草賊袁晁亂台州連結郡縣積衆二十萬餘盡有淞江之外御史中丞袁倓東討奏棲曜與李長榮為將連日十餘戰生擒袁晁收復郡邑十六授常州別駕浙西都知兵馬使大曆中李靈曜叛于沛州觀察使李涵俾棲曜將兵四千為河南掎角以功加銀青光祿大夫

建中中李希烈既陷汴州乘勝東侵連陷陳留雍丘頓軍寧陵期下宋州節度使韓洸命棲曜將強弩數千夜入寧陵希烈不知晨朝弩矢及希烈坐帳希烈驚曰此江淮弩士今入矣遂不敢東希烈夜敗後棲曜隨劉玄佐收汴州遷御史大夫

白元光為朔方騎將大曆三年九月壬午吐蕃寇靈州元光擊破之壬辰元光又破吐蕃二萬衆於靈武獲羊馬千計

伊慎為江西騎將大曆八年節度使路嗣恭討嶺南哥舒澆之亂以慎為先鋒直逼賊壘疾戰破之斬首三千級由是復始興之地未幾與諸將追斬澆於泝溪函首獻于闕下嗣恭表慎功受連州長史知當州圍練副使三轉江州別駕討梁崇義之歲慎以江南牙將從李希烈摧鋒陷敵功又居多尋歸本道明年希烈反嗣曹王臯拔慎為大將賊兵浙江來寇慎戰大破其三

千餘衆累拔蔡山柵取蘄州降其將李良又收黃梅縣殺賊將韓霜露斬首千餘級封南兗郡王蘄州刺史充節度都知兵馬使建中末賊已屠汴州慎以兵擊退賊將杜少誠江路遂通又破苟莽柵進兵圍安州賊阻澠水攻之不能下李希烈遣其甥劉戒虛將騎兵八千來援慎分兵擊戰于應山擒戒虛縛示城下遂開門請罪以功拜安州刺史兼御史大夫仍賜實封一百戶貞元十五年以慎為安黃等州節度官內支度營田觀察使十六年吳少誠阻命詔以本道步騎五千兼統荆南湖南江西三道兵當其一面於申州城南前後破賊數千以例加檢校刑部尚書

李承昭為昭義節度大曆十年田承嗣攻磁州承昭援磁州與田承嗣大將盧子期戰於萬泉縣大破之生擒子期以獻

馬燧為河陽三城使大曆十一年五月汴州大將李靈曜反因絕運路以邀節制代宗務恩人因授靈曜汴宋八州節度留後靈曜不受命乃與魏博節度田承嗣通謀承嗣遣其子悅將兵與靈曜兵破永平軍將劉洽詔燧與淮西節度李忠臣合軍討靈曜忠臣懼賊燒廬舍西走燧勸其還兵請為前鋒擊破田悅進逼汴州李忠臣行汴南燧引軍汴北又敗靈曜將張清於西梁園靈曜又選銳兵八千號為餓狼軍燧獨引軍擊破之道至浚儀是時河陽兵冠諸軍承嗣又遣銳將兵二萬救靈曜破永平軍將杜如江畧曹州又敗李正己遊軍擊走劉洽長孫全緒等軍乘勝去汴州一舍方陣而進忠臣會宋州淮南浙西兵馬

與戰不請於燧燧引軍四千人為奇兵擊之破田悅匹馬遁去
靈曜知悅敗明日以百騎夜走汴州悉降後為河東節度建中
二年田悅反自將兵三萬圍邢州攻臨洛築重城內絕其外以
拒救兵邢州李洪臨洛將張休皆堅守不拔昭義軍數告急乃
詔燧將救臨洛燧軍出崞口兵未過險乃遣人持書喻悅且示
之好悅謂燧畏之十一月師次邯鄲悅遣使至斬之以徇遣兵
擊破其支軍射殺其將成鉉之悅自攻臨洛遣大將楊朝光將
兵萬餘臨洛南雙崗下東西列二柵以禦燧燧乃率李抱真李
晟進軍營於二柵之中其夜東柵走歸悅進軍營明山取其棄
柵以置輜重謂將吏曰朝光守堅柵不下萬人假令悅等盡銳
攻之比數日計不能下殺傷必甚吾此必拔臨洛賞勞軍士而
與之戰必勝之術也悅乃分常山李惟岳救兵五千以助朝光
燧率軍攻朝光田悅將萬餘人救之燧令大將李自良李奉國
將兵合神策軍據雙崗禦之燧乃令推火車以焚其柵自晨至
暮急擊大破之拔其柵斬朝光及大將盧子昌斬首五千餘級
生虜八百餘人居五日進軍徑戰燧自將銳兵扼其衝口凡百
餘合士皆決死悅兵大敗斬首萬餘生虜九百人得穀三十萬
斛噐甲稱是悅收兵夜走邢州圍亦鮮尋加魏博招討使三年
正月田悅求救於淄青常山李納遣大將衛俊將兵僅萬人以
救悅李惟岳亦遣三千餘人救悅收合散兵二萬餘壁於洹水
淄青軍其東常山軍其西首尾相應燧帥諸軍合擊悅軍亂赴
水斬首二萬殺大賊將孫晉卿安墨啜生獲二千餘人溺死者

不可勝數淄青軍殆盡死者相枕籍三十里悅收兵得千餘人
走夜至魏州城將李長春閉門不納久之追兵不至北兵乃納
既入殺長春嬰城自守數日李再春以博州降悅兄昂以洛州
降王光進以長橋降悅遣大將符璘李瑤將五百騎送淄青遺
兵迴因降燧魏城先引御河入城南流燧令塞其領口流絕城
中益急悅恐乃遣許士則侯藏徒步間說朱滔王武俊借兵求
救時王武俊已殺李惟岳傳首獻於闕下授武俊領鎮異觀察
都防禦使時武俊同列張孝忠已為節度使武俊獨為防禦使
甚怨望且素輕孝忠耻居其下因與悅通謀遂與朱滔約謀救
悅悅恃兵且至又出兵二萬背城而陣燧與諸軍擊破之五月
加燧同平章事四年十月德宗幸奉天燧引軍還大原遣行軍
司馬王權將兵五千赴行在興元元年七月加燧奉誠軍及晉
絳慈隰節度諸軍行營副元帥與渾瑊駱元光同討河中李懷
光九月十五日燧帥步騎三萬次于絳分兵收夏縣畧積山攻
龍門降其將馮萬興任象王燧以兵攻絳州十月拔其外城其
夜偽刺史王克同與大將達奚小進棄城走降其衆四千人又
遣大將李自良谷秀分兵畧定聞喜夏縣万泉虞鄉永樂猗氏
六縣降其將辛旒及兵五千人貞元元年軍次寶鼎敗賊騎兵
於陶城前鋒將李黯追擊之射殺賊將徐伯文斬首萬餘級獲
馬五百匹七月與渾瑊駱元光韓遊瓌軍次于長春宮懷光將
徐逵光以兵六千守宮城燧挺身城下招諭之先一日賊焦籬
堡守將尉遲珪以兵二千因堡降逵光東道既絕乃率衆出降

八月移軍於焦籬堡其夜賊大原堡守將吳罔棄堡而遁其下皆降燧率諸軍濟河凡百萬陣於城下是日賊將牛名俊斬懷光首以城降河中平遷光祿大夫兼侍中

劉玄佐初名洽為永平軍節度衙將大曆中李靈曜據汴州反洽將兵乘其無備徑入宋州遂城守詔因以州隸永平軍節度使李勉署奏宋州刺史建中二年加御史丞充宋毫穎節度使時李正已死子納匿喪叛居無河李洧以徐州從順納恕洧甚遂遣兵圍彭城詔洽以諸軍救之洽至與納軍戰大敗之斬首萬餘級由是轉輸之道復通以功加御史大夫洽進收濮州降其將楊令暉又分兵挾令暉以徇濮陽降其將高彥昭以通濮陽津遷兵部尚書復兼曹濮觀察使尋加左僕射淄青兗鄆招

討使又加汴滑都統副使李希烈攻陷汴州德宗幸奉天洽與希列連戰賊稍却之興元初以功加平章事希烈兵圍寧陵洽大將劉昌堅守不下希烈復率兵攻圍陳州洽遣劉昌與諸軍救之大破賊兵獲賊將翟崇暉希烈棄大梁走洽率諸軍進收汴州以功加汴宋節度迂司空無幾加本管及陳州諸軍行營都統仍賜名玄佐

陳惠元為神策軍京西兵馬使鎮奉天大曆中累有戰功及田悅朱滔反叛召惠元領禁兵三千與諸將討伐戰御河奪三橋皆惠元之功也尋加檢校工部尚書以兵屬李懷光建中末自河朔與懷光同赴國難解奉天之圍

張獻恭為山南西道節度使大曆十二年獻恭上言破吐蕃萬

餘衆於岷山

張光晟為代州都督大曆十三年與迴紇戰于羊武谷破之迴紇引退先是幸雲京守大原迴紇懼雲京不敢窺并代知鮑防無武畧乃敢凌逼賴光邀戰勝之北人乃安

時鮑防為大原亂

張獻甫初為偏裨以軍功累授試光祿卿殿中監德宗建中初從節度使賈耽征梁崇義於襄漢以功試太子詹事及幸奉天與元獻甫首末從渾城征討有功及復京邑累加兼御史大夫揚朝晟為甘泉府果毅建中初從李懷光討劉光晷于涇州斬獲生擒居多授驃騎大將軍稍為右光祿兵馬使後李納寇徐州唐朝臣征討常冠軍鋒以加授開府儀同三司檢校太子賓客德宗在奉天李懷光自山東赴難以朝晟為左廂兵馬使將

千餘人下咸陽以擊朱泚加御史中丞實封一百五十戶王武俊為成德軍節度建中初朱滔圍具州武俊與澤潞節度李抱真合軍于具州抱真為方陳武俊用奇兵朱滔空營合戰武俊擐甲而馳之滔望風奔潰自蹂踐死者十四五収其鎗重器甲馬牛不可勝算滔夜奔幽州

尚可孤為神策軍大將建中二年為荆襄應援淮西使以所統之衆赴山南累有戰功及涇原兵叛詔徵可孤軍至藍田賊衆稍盛遂營於七盤修城柵而居之賊將仇忠等來寇可孤頻擊破之因收藍田縣興元元年三月遷檢校工部尚書兼御史大夫神策京畿渭南商州節度使四月仇敬忠復來寇可孤率兵大破焉擒敬忠斬之遂軍進與副元帥李晟決策攻討可孤之

師為先鋒京師平以功加檢校右僕射封馮翊郡王

李希烈為淮西節度建中二年山南東道節度使梁崇義拒捍朝命迫脇使臣詔諸道節度率兵討之加希烈南平郡王兼漢北都知諸道兵馬招撫處置使希烈破崇義衆討平之錄功檢校右僕射同平章事賜實封五百戶

李抱真為照義軍節度建中二年田悅以魏博反乃悉兵圍邢州及臨洛臨益急詔河東節度使馬燧及神策兵救之抱真與燧敗悅兵於雙崗斬悅將楊朝光又擊破悅於臨洛遂解臨洛及邢州之圍以功加檢校兵部尚書復與遂大破悅於洹水悅以數百騎走歸魏州復與燧圍魏州又敗悅於城下以功加檢校右僕射建中末李希烈陷大梁李納反鄆州李懷光又竊據河中抱真獨於擾攘傾潰之中以山東三州外抗群賊內輯軍士群賊深憚之興元初加平章事時朱滔悉幽薊軍借兵迴紇擁衆五萬南向以應朱泚攻圍具州抱真與鎮州王武俊擊破之於絳城以功加檢校司空

王處休為澤潞兵馬使建中二年節度使李抱真統兵馬與諸將征討河北其雙崗水寨營等陣處休戰功居多擢為步軍都虞候劉昌為宣武節度劉玄佐左廂兵馬使建中中李希烈既陷汴州玄佐遣將高異以精卒五千保援襄邑城陷異赴水死自宋及江淮人心震恐時昌以三千人守寧陵希烈率五萬衆陣于城下昌深塹以遏地道凡四十五日不解甲胄躬勵士卒大破希烈希烈退圍陳州刺史李公廉計窮昌從玄佐以浙西兵合

三萬人救之至陳州四五十里與賊遇昌晨壓其陣及未成列大破之生擒其將翟曜希烈退保蔡州自此不復侵軼詔加檢校左常侍隨玄佐收汴州加檢校工部尚書後為四鎮北進行軍兼涇原節度貞元十四年六月歸化堡健兒作亂逐出大將張國誠請副將張抗詔昌經畧處置昌率兵至堡下告諭云但選首為惡送餘悉釋而不問竟不從命乃與昌戰城中大敗誅斬六七百人復令國誠入堡

李芄為河陽三城懷州節度使以東畿汜水等五縣隸焉建中三年河南北聯大兵詔益以神策汝陝之師芄進收新鄉共城遂圍衛州明年詔與河東節度馬燧等諸軍破田悅於洹水以功加檢校兵部尚書累封郡王

張孝忠為盧龍節度使建忠三年正月大破孝惟岳於東鹿初朱滔收束鹿據之進圖深州惟岳乃與田悅及其眾一萬圍東鹿滔與孝忠合軍擊之滔勇敢者數百人蒙猛獸之依騰奮而前金鼓亂鳴努箭亂發賊騎奔軼不能制乘亂縱擊大破之惟岳燒營而遁

高固為朔方節度渾瑊麾下牙將建中末德宗幸奉天是時賊兵已突入東壅門固引甲士亂揮長刀連斫數賊拽車塞闔一以當百賊乃退以功封渤海郡王

李元諒為鎮國軍副使領軍潼關建中末德宗居奉天賊泚遣偽將何望之輕騎襲華州刺史董晉棄州走望之遂據城將聚兵以絕東道元諒自潼關將所部乃令義兵因其未設備徑攻

望之遂拔華州望之走歸泚元諒乃修城隍器械召募不數日
得兵萬餘人軍益振以功加御史中丞賊泚數遣兵未寇輒擊
却之是時尚可孤守藍田與元諒為犄角賊東不能逾渭南元
諒功居多無幾迂華州刺史兼御史大夫潼關防禦鎮國軍節
度使興元初詔元諒與副元帥李晟進收京邑兵次于漘西賊
悉衆來攻元諒先士卒奪擊大敗破之進軍至苑東與晟力戰
墮苑垣而入賊聯戰皆敗遂復京師加檢校尚書右僕射嚴震
為山南西道節度建平末德宗車駕發奉天及入駱谷李懷光
遣數百騎來襲潁山南兵擊之而退輿駕無警急之患尋加震
檢校戶部尚書

樊澤為山南東道節度觀察等使建中末頻與李希烈克黨接
戰前後擒降其梟將張嘉瑤杜文廟梁俊之李克誠薛萇等收
唐隨二州貞元二年於襄州東北界泌河口破李希烈賊衆馬
步五千人

戴休顏為奉天行營節度使興元初李晟收京師乃與渾瑊韓
遊瓌進軍咸陽破泚斬首三千休顏追賊至中渭橋李晟既清
宮闕休顏與瑊等率兵赴岐陽擊泚餘衆又策勲加檢校右僕
射封至六百戶

韓遊瓌為邠寧節度使元初李晟移軍東渭橋與駱元光尚可
孤分扼京東要路遊瓌與渾瑊戴休顏分典京西要路犄角進
攻晟收京師遊瓌二將亦破賊於咸陽論功行封與瑊等李復
為嶺南節度使貞元五年復奏收服瓊州表曰瓊州本隸廣州

管內乾封中山洞草賊翻叛都督李孝逸撫馭失所遂致淪陷
已經一百餘年臣羌叛官監察御史姜孟京崖州刺史張少遷
等悉力攻討累經苦戰方克舊城便令降人開薤荆榛建立城
柵屯集官軍臣竊觀瓊州控壓賊洞若移鎮軍在此必永絕姦
謀伏望昇為下都督府乃加瓊振僭崖万安五州招討遊奕使
額請傳從之

韋臯為劔南西川節度使貞元九年臯獻獲吐蕃首虜器械旗
幟牛馬於闕下初將城益州德宗命臯出師以分吐蕃之兵臯
遣大將董勛張芬出西山及南道破峨和城通鶴軍吐蕃南道
元師論莽熱率衆來爰又破之殺傷數千人焚定廉故城凡平
柵堡五十餘所十年臯奏西川峨和城擊破吐蕃三萬餘衆及

出兵黎雅等州以授雲南攻破吐蕃柵城斬首三千八百級生
虜及降吐蕃二百四十人得其器械牛馬無算十三年收復嵩
州

孟元陽為陳許大將貞元中討吳少誠韓全義五樓之敗諸軍
多私歸元陽及神策都將蘇先榮宣州都將王幹各率所部留
軍激水破賊二千餘人

郝士美為黔中經畧招討使貞元中谿州賊帥向子琪連結夷
獠控據山洞衆號七八千士美設奇略討平之詔書慰勞封高
平郡公元和六年為昭義軍節度使會朝廷討王承宗拒命士
美兵既合而賊軍大敗下三營環相鄉屢以捷聞

高崇文為長武城使憲宗元和元年春以檢校工部尚書充左

神策行營節度使統左右神策奉天麟遊諸鎮兵討劉闢于西川從漢中入遂却劔門之師解梓潼之圍賊將刑泚遁歸屯軍梓州因拜崇文東川節度使成都北百五十里有鹿頭山扼兩川之要闢築城以守之連行柵張犄角之勢以拒王師崇文破賊二萬於鹿頭城下明日又破萬勝堆于鹿頭之東凡八大戰皆大捷李光顏軍於鹿頭西大河之口以絕賊糧道賊大駭賊縣江柵將李文悅以三千人歸順而鹿頭將仇良輔舉城降者二萬衆闢之男方叔子壻蘇強先監良輔軍是日械擊送京師降卒投戈面縛者弥十數里遂長驅而南直指成都武陽等縣城皆鎮以重兵莫不望旗率服師遂留行闢大惧以親兵及逆黨盧文若齎重兵西走吐蕃吐蕃素受其賂且將啓之崇文將高霞寓鄜定進倍道追之至羊灌田及馬自投岷江擒於湧湍之中西蜀平制授崇文成都尹充劔南西川節度使封南平郡王食實封三百戶

高霞寓以長城軍職元和初授兼御史大夫從高崇文將兵擊劉闢連戰皆克下鹿頭城降李文悅仇良輔蜀平以功拜彭州刺史尋繼崇文為長武城使封感義郡王

嚴秦為山南西道節度使元和元年破劉闢賊二千於神泉縣生擒遊奕將牛文悅

劉濟為幽州節度元和初烏桓鮮卑數寇邊濟帥師擊走之深入千餘里虜獲不可勝紀東北晏然五年討鎮州王承宗以大將軍次於瀛州累破樂壽博陸安平等縣前後大殺獲賞功頗

厚

李光顏為忠成軍節度元和九年討蔡州下詔光顏以本軍獨當一面光顏於是引兵臨潞水抗汨曲十年五月破賊於時曲又與懷安節度烏重胤同破賊於小潞河平其柵十一年連破賊衆拔凌柵進檢校左僕射十二年四月敗賊衆三萬于郟城其將張伯良奔於蔡州殺其賊十二三獲馬千匹器甲三萬尋而郟城守將鄧懷金以城降及裴度至行營率兵從於方城池口觀板築吾構賊遽至注弩挺刃勢將及度光顏決戰於前以却之賊平加檢校司空十三年東討李師道授光顏義成軍節度使數旬之內再敗賊軍濮陽殺賊數千人十四年西蕃入寇移邠寧節度光顏忻然即路擊賊退之累加平章事鳳翔節度敬宗即位正拜司徒汴州李峇逐其師詔光顏率陳許之師討之營于尉氏俄而誅峇迁大原尹河東節度使王沛為陳許行營兵馬使節度使李光顏討蔡州使沛統兵屯于近郊及進軍連破賊伏頻詔促進諸軍觀釁莫敢先過大潞河者沛領卒五千人夜渡合流口扼其喉而成城於是河陽宣武軍大原魏博等諸軍因得濟合謀犄角而攻圍郟城沛率先部旅築其壘而對焉賊衆危怖其將鄧懷金乃面縛率衆歸降後元濟既擒沛從光顏入覲光顏具陳沛之功勞加兼御史大夫其救鹽州以功聞拜寧州刺史尋除陳州刺史宣武軍部將李峇亂又詔沛兼節度副使而討焉有功加檢校右散騎常侍迁兗海沂密等州郟度觀察處置等使

田弘正為魏博節度元和十年朝廷用兵討吳元濟弘正遣子布率兵三千進討屢戰有功十三年王師加兵於鄆詔弘正與宣武義成武寧橫海等五鎮之師會軍齊進十一月弘正自帥全師自揚劉渡河築壘距鄆四十里師道遣大將劉悟率重兵以抗弘正結壘相望前後合戰魏軍大捷而李愬光顏三面進功賊皆挫敗其勢將危十四年二月劉悟以河上之衆倒戈入鄆斬師道首詣弘正請降淄青十二州平論功加檢校司徒同中書門下平章事

弘正子布元和十四年統魏之偏師三千會諸軍於唐州授檢校祕書監兼殿中侍御史前後十八戰破凌雲柵下鄆城縣布皆有功由是擢兼御史中丞時裴度為招討使嘗觀諸軍城沱口賊有董重質領驍騎突至度甚危慮布領騎二百馳救之俄而諸軍繼至獲免淮西平拜左金吾衛將軍

李朔為隨唐鄧節度元和十年用兵討蔡州愬嘗獲賊將丁士良李祐皆釋縛用為親將又降賊將吳秀琳愬遂以秀琳之衆收吳房縣攻其外城十二年十月將襲蔡州其月七日留遣從事鄭斌使鄆城以取元惡之首告師期於招撫使裴度且請授馬至期令諸將列大軍東行六十里至張柴使李祐盡殺賊衆以義成五百人代鎮之愬又分遣將斷諸橋道行七十里至蔡城下祐與將李忠義先登叱守門者起盡殺之遂帥師而入乃令擊柝者曰罷柝者死賊以柝声如舊不虞我師之來至中城如之領軍鞠場號令約束賊方覺悟元濟率家童以固子城時

賊將董重質搃數萬人北遽迴曲塑曰彼之有拒我者有望於重質耳乃厚恤其家命其子馳書諭之重質單騎至愬遣都將李進誠率降卒門子城既而焚之門壞而元濟擒焉蔡州平愬以功加檢校尚書左僕射充山南東道節度使封涼國公食實封五百戶十三年淄青李師道再叛以愬為武寧軍節度使討之愬破賊金鄉凡十一戰擒賊將五十俘斬萬計淄青平十五年加平章事充昭義軍節度使

烏重裔為河陽三城節度使元和十年王師討淮西三年重裔與陳許李光顏犄角相應大小百餘戰以至吳元濟誅就加檢校右僕射

韓公武為宣武軍節度引之幼子累援軍職元和十年將武宣兵萬三千人從李光顏討賊淮西平以功擢為鄜方節度兼御史大夫

史憲誠魏博軍中右職元和十四年節度使田弘正以全師討李師道令憲誠以先鋒四千人濟河累下其城柵復以大軍齊進乘勝逐北魏博之全師迫于鄆州城下師道窮蹙賊斬其首以投于魏軍錄功憲誠超兼御史中丞

王智興為武寧軍節度李愬衙將元和十四年王師誅李師道智興率徐軍八千會諸道之師進擊與軍許之軍大破賊於金鄉拔莫台俘斬萬計以功迁御史中丞賊平授沂州刺史

史奉敬為朔方衙將元和十四年大破吐蕃於鹽州城下賜奉敬實封五十戶

薛平為淄青齊登萊五州節度使穆宗長慶元年幽鎮叛杜叔良統橫海全軍討伐不勝棣州為賊所窘朝廷乃委平以偏師援棣平即遣將李叔佐以兵五百救之居數月刺史王稷餘給稍薄兵士怨怒叔佐不能戰宵潰而歸仍推突將馬狼兒為帥行及青城鎮劫鎮將李自勸并其眾次于博昌鎮復劫其鎮兵共得七千餘人徑取青州城城中兵少力所不敵平悉府庫并家財厚賞三千精兵逆擊之仍先以騎兵掩其家屬輜重賊眾惶遽反顧因大敗狼兒與其同惡十數輩脫身竄匿餘黨降稍後者猶斬於鞠場其明日狼兒亦就擒戮

劉沔為鹽州刺史天德君防禦使唐寶曆間在西北邊累立奇效大和末河西党項羌叛沔以天德之師屢誅其酋渠授鎮武節度使單于大都護開成中党項雜虜大擾河西沔率吐渾契苾沙陀三部落等諸族萬人馬三千騎徑至銀夏討襲大破俘獲萬計以功加檢校戶部尚書會昌三年迴鶻部飢鳥介可汗奉大和公主至漢南求食過把頭峯犯雲朔北川朝廷移沔為河東節度使加檢校左僕射與幽州張仲武協力招撫竟破虜寇迎公主還宮以功進檢校司空

李載義為幽州節度使文宗大和元年李同捷據滄景要襲父爵載義討之累破賊軍以功加檢校司空三年滄景平策勲加平章事四年四月奚寇邊載義上言今月三日發兵入奚界殺奚賊五千餘人生擒刺史縣令大將首領等三百七十三人五月巳卯載義上言先發兵深入奚部至四月十七日就其帳擒

奚師茹羯以功加檢校大保

石雄為鎮武軍裨將大和中河西党項擾邊雄累立破羗之功
會昌三年迴鶻烏介可汗奉大和公主牙於雲朔北川雄自赴
勁騎得沙陀李國昌三部落兼契苾拓拔雜虜三千騎月暗夜
發馬邑徑趨鳥介之牙炬火燭天鼓譟動地可汗惶駭莫測率
騎而奔雄率勁騎追之至殺胡山急擊之斬首萬級生擒五千
羊馬車帳皆委之而去遂迎公主還大原以功授豐州刺史充
天德防禦等使累迁河中晉絳節度使俄而昭義劉從諫卒其
子稹檀主軍務朝議問罪以雄為潞府西面招撫使以晉州刺
史李丕為副史王宰在万善柵劉沔在石會相顧未進雄越烏
嶺破賊石砦斬獲千計雄既率先破賊不旬日王宰收天井關
何敬弘王元達亦收磁洛等郡稹危感大將郭誼密獻款斬稹
歸朝武宗詔雄以七千兵受降雄即徑馳潞州降誼盡擒其黨
與賊平加檢校司空

張仲武為幽州節度使武宗會昌中迴鶻赤心宰相一族七十
帳東逼漁陽仲武乃與弟仲至從弟公素裨將遊奉寰王如清
率其部下勁兵三萬人大破之収其候王貴族千餘人降三萬
餘人獲牛馬橐駝旃罽幕不可勝計尋遣從事李周曠牙門
將國從玘相次獻捷先是奚契丹皆有迴鶻監護使督以歲貢
且為漢謀事至是仲武遣裨將石公緒等諭意凡戮八百餘人
又迴鶻初遣宣門將軍等四十七人來偵欲歐雜虜遂逗留其
使緩彼師期人馬病死竟不遣之迴鶻烏介可汗既敗不敢近

邊乃依康居求活盡徙餘種寄託于黑車子

高駢為神策都虞侯咸通初党項羌叛詔駢率禁兵万人戍長武城時諸將禦羌無功唯駢伺隙用兵出無不捷懿宗深嘉之先是李琢為安南都護貪於貨賄嘗賊夷獠人多怨叛遂結蠻軍合勢攻安南陷之自是累年亟命將帥未能收復五年移駢為安南都護至則糾合五管之兵暮年之內招懷谿洞誅其首惡一戰而蠻卒遁去收復交州郡邑遷檢校工部尚書天平軍節度使

鄭畋為鳳翔節度廣明初黃巢陷京闕僖宗西幸畋受詔許承制便宜行事巢遣尚讓將賊衆十餘萬西追車駕畋率本軍逆戰于龍尾陂敗之因傳檄天下由是諸侯皆舉義兵以赴京師實畋之功也

王處存為義武軍節度使廣明初黃巢犯闕僖宗幸蜀處存以勤王舉義之功加檢校司空又遣大將張公慶率勁兵三千合諸軍滅賊巢於泰山以功加檢校司空

王重榮為河中節度留後中和元年黃巢將朱溫舟師自同州至黃鄴兵自華陰數萬攻之重榮戒勵士衆大敗之獲其兵仗軍聲益振朝廷遂授節旄檢校司空俄而忠武監軍楊復光率陳蔡之師万人與重榮合賊將李祥守華州重榮合勢攻之擒祥以徇二年京師平以功加檢校大尉同平章事封琅邪郡王時溥為武寧軍節度光啓中黃巢攻陳州秦宗權據蔡州與賊連結徐蔡相近溥出師討之軍鋒甚盛每戰屢捷巢之敗也其

將尚讓以數千人降溥溥將林言又斬巢首歸徐州溥功居弟
累授檢校大尉中書令封鉅鹿郡王

安文祐為潞州牙門將光啓中潞州軍校劉廣遂節度使高潯
據其城僖宗詔文祐平之既殺劉廣召赴行在授邛州刺史

新刊監本冊府元龜卷之三百五十九

新刊監本冊府元龜卷之三百六十

將帥部 二十一

立功第十三

梁趙犇初仕唐為中武軍牙校會昌中壺関作亂隨父叔文北
征收天井関未幾從王師征蠻浹月方克唯忠武將士轉戰礮
洞之間斬獲甚衆本道錄其勲陟為馬步都虞候乾符中王仙
芝起於曹濮大縱其徒侵掠汝鄭犇率步騎數千襲之賊黨南
奔廣明初以犇為陳州刺史中和中黃巢東奔先遣騎將孟楷
擁徒萬人直入項縣犇引兵擊之衆大潰斬獲畧盡生擒孟楷
以功累加檢校工部尚書右僕射司空封棣川縣伯巢黨知孟
楷為陳所擒大驚憤恚衆東來先據潞水後與蔡州秦宗權合

勢以攻宛兵犇因乞師于太祖太祖引大軍與諸軍會於陳之西北急攻巢寨敗衆大潰乃以犇為蔡州節度使于時巢黨雖敗宗權益熾六七年間屠膾中原陷二十餘郡唯陳去蔡百餘里兵少力微日與爭鋒終不能屈文德元年蔡州平朝廷議勲累加檢校司徒同平章事充忠武軍節度使

犇弟昶初為陳州防遏都指揮使黃巢將孟楷擁衆萬餘據項城縣昶與兄犇領兵擊破之擒楷以歸不數月巢黨悉衆攻陳以報孟楷之役又與蔡寇合徒克醜百萬棲於陳郊昶開門決戰擒賊將數人斬首千餘級群克氣沮其後連日交戰無不應機俘斬未嘗小衄以至重圍數月志心如一及賊敗圍解朝廷紀勲昶一門之中壘加爵秩當時征鎮之內言忠勇者言守禦

者言功勲者言政事者皆以犇昶為首焉昶累加檢校右僕射代犇為忠武節度使亦以陳州為理所時宗權未滅中原方受其毒陳蔡封疆相接昶每選精銳深入蔡境蔡賊雖衆終不能抗以至宗權敗焉朝廷賞勲加檢校司徒

王敬武唐末為平盧牙將唐廣明元年無棣人引霸郎合群盜於齊棣間節度使安師儒叛敬武率師討平之

李茂貞本姓宋名文通唐末棣博野軍征伐立戰功繇是軍中知名漸為裨校黃巢之寇閔輔也僖宗幸蜀賊將王璠尚讓屢肆克鋒文通以宿衛軍留鳳翔與連帥鄭畋大破尚讓於龍尾陂追奔至於奉天賊平輿駕還京錄功以文通為神策軍指揮使檢校大保

馮行襲唐末為金州防禦使特興元王守亮將襲京師道出金
商行襲逆擊大破之外金州為節鎮以戎昭軍為額即以行襲
為節度使

張歸厚唐末為太祖軍校光啓三年春與秦宗賢戰于方勝大
破之大順元年奏加檢校兵部尚書又命統親軍是歲擢王友
裕領諸軍屯于濮州之境十一月太祖率親從騎士將合大軍
會擢王迂寨未知所往忽逢兗鄆餘寇甚衆太祖亟登道左高
阜以觀之命歸厚領所部廳子馬直突之出沒二十餘合賊戰
敗將北而救軍雲至歸厚即綴賊苦戰請以數十騎先還時歸
厚所乘馬中流矢而踣乃持槊步鬪斬退賊不敢逼太祖至寨
亟命張筠劉儒飛騎來迎然謂已歿矣歸厚体被二十餘箭尚

復拒戰筠等既至賊解乃歸太祖見之撫背泣下曰得歸厚身
全縱廣喪戎馬何足計乎便令肩舁歸汴日降問賚恩旨甚厚
尋迁中軍指揮使景福初從太祖伐鄆帝軍不利太祖為寇所
逼歸厚殿馬翼衛左右馳射矢發如雨賊騎千百披靡而退明
年與葛從周禦晉軍於洹水殊績尤著詔檢校右僕射張歸弁
唐末為軍校乾寧中以偏師佐葛從周禦并軍于洹水光化中
又佐張存敬與燕人戰于內黃積前後功加表檢校工部尚書
大順初攻討兗鄆命歸弁佐衡王友諒屯單父軍聲甚振尋為
齊州指揮使屬青帥王師範叛遣將詐為估人挽車數十乘匿
兵器于其中將謀竊發歸弁察而擒之州城以寧明年春青寇
大舉來伐州兵既寡民意頗搖有本郡都將康文爽等三人欲

謀外應即時擒獲誅之人心遂定歸弁又罄發私帑賞給士伍青人遂遁青州平超加檢校右僕射遙領愛州刺史從征荆襄迴轉檢校左僕射天祐三年春太祖入魏誅牙軍魏之郡邑多叛歸弁與諸將等分布征討封境悉平而歸弁於高堂入賊火猛飛矢中于臆太祖嘉之命賜銀鞍勒馬一疋金帶一條夏五月命權知晉州刺史加檢校司空太祖授禪改滑州長劔指揮使開平二年秋九月并軍圍平陽詔歸弁統兵救之軍至解其圍加檢校司徒

劉知俊唐末為軍校大順中從太祖討秦宗權及攻徐州皆有功補徐州馬步軍都指揮使攻海州下之遂奏授刺史天復初歷典懷鄭二州從平青州以功奏授同州節度使天祐三年冬以兵五千破岐軍六萬於美原自是連克鄜延五州乃加檢校大傅平章事開平二年三月命為潞州行營招討使知俊未至潞州夾寨已陷晉人引軍方攻澤州聞知俊至乃退尋攻西路招討使六月大破岐軍於幕谷俘斬千計李茂貞僅以身免康懷英唐末為大祖軍校光化二年秋從氏叔琮代襄漢懷英以一軍攻下鄧州三年從征河朔佐張存敬敗燕軍於易水之上天復元年冬太祖率師迎昭宗於鳳翔時李茂貞遣大將符道昭領兵萬餘屯武功以拒太祖命諸軍擊之以懷英為前鋒領衆先登一鼓而大破之虜甲士六千餘人奪馬二千匹翌日太祖方至顧左右曰邑名武功今首盪逆黨真武功也乃召懷英大加獎激仍以駿馬珍噐賜之二年四月符道昭復領大軍

屯於虢縣之漠谷太祖遣懷英提騎數千急擊之岐軍大敗八月鄜帥李周彝屯軍於三原以援鳳翔太祖命懷英討之追至黎園攻下翟州擒其守來獻天祐三年冬佐劉知俊破邠鳳之衆五萬於美原拔十五餘寨乘勝引兵攻下鄜州以攻授陝州節度使

宋友恭唐末從太祖四征稍立軍功累遷諸軍都指揮使汝州刺史檢校司空光化初淮夷侵鄂渚武昌帥杜洪來乞師太祖遣友恭將兵萬餘濟江應援引兵至龍沙九江而還軍聲大振時淮寇據黃州友恭攻陷其壁獲賊將瞿章俘斬萬計途經安陸因襲殺刺史武瑜盡收其衆以功為潁州刺史加檢校司徒劉康乂唐末從太祖鎮宣武累典親軍襲巢破蔡斬獲尤多疊以戰功遷元從都將從太祖連年攻討徐兗鄆所向多捷

范居實唐末為太祖將從討巢蔡有功又從朱珍收滑州改左廂都虞候預破兗鄆功遷感義都頭鄭州馬軍指揮使幽州劉仁恭舉衆南下寇魏郡北圍居實與葛從周張存敬率兵救魏大破幽滄之衆於內黃太祖迎昭宗於岐下以居實為河中馬軍都指揮使及昭宗還京賜迎鑿毅勇功臣遙領綿州刺史又遷左龍驤軍馬都指揮使從征淮南迴改登州刺史轉左神勇軍使

胡真唐末為太祖元佐都將從破巢蔡於陳鄭間尋以奇兵襲取滑州乃署州節度留後

符道昭唐末為太祖元帥府右司馬與李周彝同領寇彥卿南

太豐閻寶已下大軍伐滄州及太祖幸魏州討衙中軍前有魏博將山河營指揮使左行迂聞府有變引軍還也歷亭自稱留後從亂者數萬人道昭佐周彝與彥卿以下大破之殺四萬餘人擒左行迂斬之有史仁遇亦聚徒數萬據高唐又破之擒仁遇以獻乘勝取澶博二州平之復殺萬餘人

王虔裕唐末自巢寇來降為太祖騎兵前鋒太祖擊巢蔡於陳州虔裕連拔數寨擒獲萬計巢孽既遁虔裕躡其跡追至萬勝伐賊衆飢乏短兵纜接而潰太祖以其勞表授義州刺史蔡人日縱侵掠陳鄭許亳之郊頻年大戰虔裕掩襲攻拒凡百餘陣勦戮生擒不知紀極

李唐賓唐末自巢黨與王虔裕來歸太祖後與朱珍趣淄州所向摧敵乃取滑平蔡前後破兗鄆淮徐之衆功與朱珍略等珍之擒石潘也唐賓亦沿淮與郭言犄角下盱眙其後渡河破黎陽李固等鎮攻澶州下內黃敗魏師未嘗不與珍同暨攻蔡之役珍自西南破其外垣唐賓亦埋壕坎墉推其東北隅及伐蔡取豐時溥軍於吳康珍亟遇之未能却唐賓引本軍擊敗之珍遂大勝每興師必於珍偕用故往無不利

李思安唐末副王虔裕為踏白將渡長淮下天長高郵二邑又拒孫儒迫濠州皆有奇績累迁為諸軍都指揮使奏官至檢校左僕射尋拜亳州刺史

胡規唐末為宣武軍都虞侯佐葛從周伐鎮定從張存敬收晉絳皆有功署為河中都虞侯天祐三年佐李周尋討相州獨當

州之一面頗以功聞軍還權知耀州事太祖授禪除右羽林統
軍尋從劉鄩統兵收潼關擒知浣獻之乃以為右龍虎統軍兼
侍衛指揮使

黃文靖唐末為諸軍指揮使從太祖南平巢蔡北定兗鄆皆有
功後與康懷英渡淮入壽春之境下安豐霍丘至光州而還光
化初晉將李嗣昭周德威寇於山東文靖佐葛從周統大軍禦
之至沙河敗晉軍五千餘騎逐之越張公橋乃北後旬日復與
晉人戰于邢州之北擒蕃將賁金鐵慕容滕李存建等百餘人
奪馬數千匹尋以功表授檢校右僕射耀州刺史天祐三年春
命佐楊師厚深入淮甸越壽春侵廬江軍至大獨山遇淮夷殺
五千餘衆振旅而還改秦州刺史加檢校司空

李重裔唐末為太祖步軍都頭與胡真援河陽逼懷州重裔以
部下兵突之射中蕃將安休休又令與李讜騎軍至陝應接郭
言廻次澗池破賊師黃花子之衆改滑州夾馬指揮使蔡賊圍
汴重裔以步兵攻下三寨虜獲甚多太祖大舉伐秦宗權俾重
裔以滑兵為前鋒及東討徐州下豐二邑轉右廂步軍指揮使
李讜唐末為左得勝騎軍都將從太祖討蔡賊頗有軍功及東
伐兗鄆以所部士伍俘獲甚衆改元從騎表授檢校右僕射
氏叔琮唐末為晉州節度使以禦晉軍時太祖遣朱友寧將兵
數萬赴應悉委叔琮節制既至諸將皆欲休軍叔琮曰若然則
賊必遁矣遁則何功焉因夜出潛師截其歸路遇晉軍游騎數
百盡殺之遂攻其壘拔之斬獲萬餘衆奪馬三千匹太祖聞之

喜謂左右曰殺蕃賊破大原非此老不可叔琮乃長驅收汾州與晉人轉戰直抵并壘軍迴以其功奏檢校司空

張甚思唐末為太祖諸軍都指揮使從平巢蔡兗鄆皆著軍功表授檢校工部尚書兼宋州長史

王景仁唐末為宣州節度使劉知俊之叛也從駕至陝始左楊師厚西入閔兵未交知俊棄馮翊走進尅雍華降王建張軍練頗預戰有功太祖嘉之末帝即位用為懷南西北面行營招討應接使以兵萬人伐壽州至霍丘接戰擒賊將袁叢王彥威王璠等送京師

劉鄩為左龍武統軍充侍衛親軍馬步都指揮使開平十三年夏同州劉知俊反引岐人襲據長安分兵扼河潼太祖幸陝命鄩西討即奪潼關擒知俊弟浣以獻遂引兵收復長安知俊棄郡奔鳳翔太祖以鄩為佑國軍兩使留後尋改佑國軍為永平軍以鄩為節度使檢校司徒大安尹金州管内觀察使是時西鄙未寧密邇寇境鄩練兵撫衆獨當一面四年加檢校大保同平章事

謝彥章為兩京馬軍都軍使貞明中累與晉軍接戰有功

寇彥卿為鄧州節度使貞明中淮人圍安陸彥卿奉詔領兵解圍大破淮賊而還

賀環為北面行營招討使貞明四年與晉人戰于胡柳晉人敗績臨陣斬晉將周陽五既晡環軍亦敗五年春正月晉人城德勝夾河為柵四月環率大軍攻其南柵以艤艫戰艦阨其中流

晉人斷我艨艟濟軍以援南柵環退軍於行臺

後唐李嗣本乾寧中為馬軍都將從李嗣昭討王暉於雲州論功加檢校司空後為雲州防禦使時周德威討劉守光嗣本率代北諸軍生熟吐渾收山後八軍得納降軍使盧文進武州刺史高行珪以獻幽州平論功授振武節度使

朱漢賓唐末事梁太祖與諸將破蔡賊有功天復中授右羽林統軍

丁會唐末為宣武軍都押衙自梁祖誅秦宗權併時溥屠朱瑄朱瑾會嘗以兵縱多立奇功授昭義軍節度使同平章事武皇攻潞會以州歸授都招討使加檢校大尉莊宗嗣王位與會決謀破汴軍於夾城

閻寶唐末為梁祖四鎮牙將自梁祖陳師河朔爭霸關西寶與葛從周丁會賀德倫李思安各為大將擁兵西出所至立功累遷邢洛節度使天祐十三年以邢州歸於莊宗授檢校大尉同平章事充天平軍節度使東南面招討使十八年張文禮謀叛以寶為招討使進攻之下趙州渡漳水而軍擒文禮所署深州刺史張友順折足送於行臺營於西北隅泊十九年正月契丹大至衆心危懼寶備陳方畧遂挫獯戎加檢校侍中

安金全武皇時為騎將屢從征伐所在立功莊宗之救潞州及平定河朔凡有戰陣金全皆有功累為刺史

石君立為昭義李嗣昭牙校歷典諸軍天祐中夾城之役君立每出挑戰壞汴軍柵壘俘擒而還八年與汴軍戰於龍花園敗

之獲其大將卜渥以獻王檀之逼晉陽也嗣昭遣君立率五百騎自上黨朝發暮至王檀游軍扼汾橋君立一戰敗之徑至城下馳突斬擊梁軍敗走

唐思立為河東親騎軍使天祐中從莊宗解圍於上黨敗梁人於栢鄉及平薊丘後戰於河上皆有功累遷右突騎指揮使

毛璋為遼州刺史天祐中從莊宗征河上屢有戰功同光元年梁平授華州節度使三年王師討蜀以璋為行營右廂馬軍都

指揮使克魏王繼岌前駟蜀平章功居多授邠州節度使

夏魯奇為護衛指揮使天祐中從周德威平幽州魯奇功居多

歷磁州刺史中都之戰汴人大敗魯奇見王彥章識之單馬追及擒之以獻梁平授鄭州防禦使

索自通為廳直指揮使天祐中佐周德威攻燕軍於涿州旬日

未克自通乃選精騎三千夜薄幽州外郭擒燕將郭在均而還

同光中累遷西京留守會楊彥溫據河中作亂自通率師討平

之授河中節度使

李紹文本姓張名從楚天祐八年自梁將歸於莊宗賜姓名累

加博州刺史預破劉鄩於故元城歷見隰代三群刺史領天雄

軍馬步副都將也於德勝從閻寶討張文禮為馬步都虞候明

宗收鄆州以紹文為右都押牙馬步軍都將從破王彥章於中

都

張溫為永清都校歷武州刺史山後八軍都將天祐中從莊宗

襲契丹于幽州收新州歷銀槍校義都指揮使同光初北戎陷

媯儒檀順平薊六州武州獨全改授尉州刺史

李漢韶為河東牢城指揮使天祐中孟知祥權知大原軍府事會契丹侵北鄙表令漢韶帥師進討既而大破胡寇以功加檢校右僕射

李從進為天雄軍都指揮使天祐十九年莊宗討張文禮於鎮州定州王處珠盡率城中兵甲乘我芻牧無備奄至東垣渡我騎軍已臨賊城不覺其出賊既上橋攻我營門存進惶駭引十餘人鬪于橋上賊退我騎軍已邀賊後前後夾擊之賊退無路圍之數重步兵七千殆無還生者

霍彥威初仕梁為河陽留後乾化末破劉知俊於同州改邠州節度使同光二年從明宗平潞州授徐州節度使莊宗時契丹犯寨明宗招討北面命彥威為副趙太叛於邢州奉詔討平之天成初除鄆徐州節度使值青州王公儼拒命改平盧軍節度擒公儼於膠水盡斬其黨累加檢校大尉

孔勅初仕梁為唐鄧節度使貞明中王珠據襄州叛勅討平之授山南東道節度使

王晏球初仕梁末帝初為龍驤四軍都指揮使時汴州捉生都作亂夜縱火焚剽攻建國門末帝登樓拒戰晏球聞其亂也得龍驤馬五百騎屯於鞠場俄而亂兵以竹竿豎布幕沃油焚建國門勢將危急晏球隔門窺亂卒知無甲冑即出騎擊之亂兵北走屯國門下晏球奮力血戰俄而群賊散走末帝見騎軍討賊呼曰非吾龍驤之士乎晏球曰臣已敗賊請陛下無憂遲明

晏球盡敗亂軍全營族誅以功授單州刺史明時宗以為宋州節度使天成二年充北面行營副招討使兵火滿城是歲王都謀叛據定州乃以晏球為招討使攻之時都北連契丹遣奚首領禿餒率虜千騎援都突入定州晏球引軍保曲陽王都禿餒出軍來戰晏球預督勵士卒以待之及賊虜至一戰敗之於嘉山之下追襲至於城門因進軍攻之得其西閤城乃高其壁壘營於其間為定州府署令百姓轉輸租稅城既堅峻進攻無利但食其租稅以守之俄而契丹首領惕隱率虜騎五千來援都是時大雨虜至唐河晏球出師逆戰晏球合龍武左右廂指揮使高行周符彥卿前鋒渡唐河與虜相遇三戰惕隱大敗追至易州河水暴漲所在陷溺獲虜二千騎而還惕隱以餘衆還塞幽州趙德鈞知其敗也令牙將武從諫率勁騎追擊德鈞分兵扼諸要路旬日之內盡獲惕隱已下酋長七百餘人虜勢由是援絕其年冬平賊以功授天平軍節度使

唐延孝為招討指揮使領博州刺史同光元年莊宗平汴延孝頗有功焉以功累遷保義軍節度使三年討蜀以延孝為西南面行營馬步軍先鋒排陣斬斫等使下鳳翔收固鎮降興州敗王衍軍於三泉平蜀之功延孝居最

王思同為馬軍左相都指揮使領薊州刺史同光中從明帝援糧入幽州逐虜有功遷鄭州防禦使長興中自秦州節度使入為右武衛上將軍會董璋據東川叛命除西南行營馬步軍都虞侯伐蜀之役為先鋒指揮使至劔門思同以偏衆取小劔門

入倒迴叔下劔門及班師以思同留鎮山南西道

任圜為工部尚書同光中從魏王繼岌伐蜀及班師行及利州
康延孝叛以勁兵八千欲迴却西川繼岌署圜為招討副使與
都指揮使梁漢顥等率兵攻延孝於漢州擒之以旋至渭南繼
岌遇害圜代摠全師朝於洛陽明宗加其功拜平章事判三司
方鄴為奉義指揮使天成元年荆渚違命明宗素知其才力擢
授夔州刺史克東南西行營招討副使鄴將偏師收復峽內三
州二年昇夔州為寧江軍以鄴為節度屢奏克捷

樂彥稠為河陽馬步都將領鄧州刺史天成中從王彥球討王
都於定州平之遷侍衛步軍都虞侯領壽州節度使會河中指
揮使楊彥溫作亂以彥稠為副招討使討平之長興中吐蕃劫

迴鶻入朝使烏崙紅貢物詔遣方渠屯戍克步騎都部署尋令
入吐蕃過靈武道士橋搜索盡獲迴鶻所貢駝馬寶玉藥物因
殺為盜部擒首領而還尋授邠州節度使

孫璋為徐州防禦使天成中王都據中山叛以璋為定州行營
都虞侯賊平加檢校大保

張處為護駕親軍都指揮領春州刺史天成中與諸將圍王都
於中山大敗契丹於嘉山之下及平定州以功授滄州節度使
李紹真為北面副招討使同光四年紹真遣人奏叔復邢州擒
賊帥趙泰等二十一人令負斧鎖狗於鄴城下既而磔於軍門
安審通為齊州防禦使天成中奉詔北征從房知溫營於盧臺
會龍肱部下兵亂審通脫身酒筵奪舡以濟騎士介馬及亂兵

南行盡戮之以功加檢校大傳克滄州節度使

晉陸思鐸初仕梁為廣武都指揮使歷突陣拱辰軍使積前後戰勲累官至檢校司徒拱辰左廂都指揮使遙領恩州刺史

張郎初仕梁為鄆州都指揮使從招討使段凝襲衛州下之遂授衛州刺史

李周初仕後唐補萬勝黃頭軍使武皇之平雲州莊宗之戰栢鄉周皆有功遷定霸都指揮使天成三年為邠州節度使會慶州刺史竇琬據城拒命周奉詔討之

梁漢顛太原人少事後唐武皇初為軍中小校善騎射勇於格戰莊宗之破劉仁恭王德明及與梁軍對壘於德勝皆預其戰累功至龍武指揮使

李承約初仕後唐為定霸都指揮使領具州刺史從莊宗破夾寨及梁人戰於臨清有功累遷潁州團練使

李德琬初仕後唐為偏校從莊宗戰潞州栢鄉德勝渡繼有軍功累加檢校尚書左僕射

安元信初仕後唐為鐵林都校梁將氏之叔琮攻河東也別將葛從周自馬嶺入元信伏于榆次挫其前鋒梁將李思安之攻上黨也王師將壁高河為梁軍所逼別將秦武者尤為難敵元信與鬪斃之繇是梁軍解去城壘得立武皇賜所乘馬及細鎧伏遷突陣都將莊宗嗣晉王位元信從救上黨破夾寨復澤潞以功授檢校司空遼州刺史後為山北管内團練使莊宗降邢臺劉鄩於故元城皆預其功俄遷博州刺史

相里金初仕後唐為小校與梁師戰於栢鄉及胡柳陂以功授黃甲指揮使同光元年統帳前軍拔中都賜忠勇拱衛功臣張廷蘊初仕後唐為左右羽林都虞侯同光中潞州李繼傳叛廷蘊從明宗為前鋒討之軍至上黨日已暝矣廷蘊首率勁兵百餘輩踰洹城坎而上守陴者不能禦尋斬閔延諸軍入馬軍還改左右羽林都指揮使

李從璋初仕後唐為彰國軍節度使天成二年怛達諸部入寇從璋率麾下出討一鼓而破之

張從賓初仕後唐莊宗為爪牙從戰有功明宗天成中自捧聖指揮使領登州刺史後移左右羽林都校討楊彥溫於河中平之

潘環初仕後唐為棣州刺史天成中定州王都叛以為行營右廂步軍都指揮使賊平改易州刺史開運初契丹入寇王師北征環以金州節度使充北面行營步軍左廂排陣使預破契丹於陽城軍迴授澶州節度使

范延光為宣武軍節度使會魏府屯將張令昭逐其師劉延皓據其城令延光討而平之遂鄴州留守

衛審崱初仕後唐為河中都指揮使康福除靈武節奉宣授送赴鎮為一行步軍都指揮使破吐蕃於青崗峽擊李賓於河西有功授郢州刺史檢校司空

李瓊初仕後唐為侍衛牙隊指揮使長興中從高祖討東川至劔州瓊以部下兵破賊軍數千身負重瘡軍還改龍武指揮使

清泰中屯雲州累擒獲契丹人馬以功改右捧聖軍指揮使
方大為奉國都虞侯屯渭州天福初會符彥饒亂大與馬万盧
順密等擒之使大縛送至闕尋從杜重威破張從賓於汜水以
功除趙州刺史從楊光遠平范延於鄴移刺萊州

劉處讓為左監門衛上將軍充宜徽南院使天福二年范延光
據鄴城叛命宣武軍節度楊光遠前灵武鄆度張從賓等討之
時處讓奉詔於光遠同參議軍政從賓行次河陽密與延光連
結以兵南入洛京東抵成臯將犯梁城謀為大逆處讓奉詔自
黎陽分兵討襲從賓平復又與楊光遠攻鄴四年冬范延光將
謀納款尚切疑留處讓親入以禍福諭之乃決歸命以功轉檢
校大傳

郭金海為護聖都虞侯天福二年從王師討范延光於魏州以
功轉本軍都指揮使領黃州刺史是歲安從進謀犯闕以金海
為襄州道行營先鋒都指揮與建崇等同於唐州湖陽遇從進
萬餘人金海以一旅之衆突擊大破之策勲授檢校大保商州
刺史

馬全鄆除安州節度使將赴鎮會李金全據安州叛引淮南軍
為援因命全節將兵討之殺數千人俘四百餘人送闕俄復鄆
鄉以功加檢校大尉授招義軍節度使六年移鎮邢州安重榮
之叛也授鎮州行營副招討兼排陣使與重榮戰於宗城大敗
之鎮州平加開府儀同三司充義武軍節度使開運元年授鄴
都留守尋加天雄軍節度使北面行營副招討使陽城之戰甚

有力焉

王清為奉國軍都虞侯天福六年襄州安從進叛高行周討之
踰年不下清請先登諸繼後遂拔其城累遷溪州刺史八年詔
遣以所部兵屯於鄴九年春契丹南牧圍其城清與張從恩守
之少帝飛蠟詔勅諭錫之第宅虜退以捍城功繼遷軍額開運
二年從杜重威北征解陽城之圍加檢校司徒

程福贊為軍校天福七年從杜重威討鎮州與安重榮大戰於
宗城以功遷洺州團練使檢校大保

皇甫遇為鄧州節度使少帝即位罷歸闕下二年虜南寇從至
澶州戰於鄆州北津虜衆大敗溺死者數千人以功拜滑州節
度使

濮王周初仕後唐為裨校以戰功累歷都守晉天福初范延光
叛於魏州周從杜重威討之以功授具州節度使

劉在明初仕後唐為捧聖左廂都指揮使領和州刺史從明宗
幸汴州至滎陽聞朱守殷叛用為前鋒至汴城率先登城賊平
授汴州馬步軍都指揮使晉天福初為安州刺史會李金全以
安州叛在明從李守貞攻之大破淮賊以功授安州防禦使明
宗移絳州楊光遠據青州叛召為行營馬步軍都指揮使青州
平遷相州留後高祖踐祚授幽州道行營都部署時虜守中山
在明出師經略虜乃棄城而去遂授鎮留後

杜重威初仕晉典禁軍遙授舒州刺史天福二年張從賓構亂
據汜水晉高祖遣重威與侯益率衆破之以功授潞州節度使

與楊光遠降范延光於鄴城改許州節度使累遷侍衛親軍馬步軍都指揮使及鎮州安重榮稱兵向闕命重威禦之重威敗重榮於宗城重榮奔據常山重威尋拔其城斬重榮首傳於闕下授成德軍節度使

子守貞初仕晉為侍衛馬步軍都虞侯領滑州節度使開運元年春虜衆犯澶魏少帝幸澶州虜主遣將麻荅以奇兵由鄆州馬家口濟河立柵於東崖守貞率師自澶州馳赴之契丹大敗溺死者數千人晉少帝還京以守貞為兗州節度使是歲以守貞為青州行營都部署率兵二萬東討楊光遠降之以功加同平章事二年春虜王全軍南下前鋒至相州湯陰縣以守貞為北面行營都監與招討使杜重威北伐洎獲湯城之捷遂收軍還累加侍衛都指揮使領鄆州節度使三年夏為北面行營都部署軍到長城北二十里與蕃賊千餘騎相遇轉鬪行四十里悉驅擁入河斫得首領解里相公首級

王景崇為右衛大將軍乾祐元年春鳳翔侯益永興趙贊以受契丹偽署引蜀軍至南山詔委景崇以西面之事景崇至雍趙替已入朝遂部分雍軍破蜀寇於子午谷糾合諸軍再破蜀軍於大散關詔景崇為鳳翔巡檢

李彥從為左飛龍使領恩州刺史乾祐中趙暉討王景崇於岐下彥從為兵馬都監破川軍有功賊平授鄴州刺史

周密字德峯初仕後唐武皇為軍職莊宗之平常山明宗之襲汶陽密皆從征有功

安審暉初仕後唐莊宗從平幽薊戰山東定河南皆預其功晉天福五年李金全據安州叛詔馬全節為都署領兵討之以審暉為副安陸平移鎮鄧州

馮暉初仕後唐為軍校同光中從明宗征潞州楊立有功又從魏王繼岌伐蜀蜀平授夔州刺史又從晉祖討蜀蜀人守劔揮領部下兵踰險阻從他道出於劔門之左掩擊殺之守兵殆盡會晉祖班師以暉為澶州刺史

宋彥筠初仕後唐典禁軍同光中伐蜀之後彥筠率所部從康延孝為前鋒蜀平歷維渝州刺史晉初自汝州防禦使從高行周破安從進於襄陽以功拜鄧州節度使

高行周初仕後唐為絳州刺史天成中預平宋守殷於浚下其攻王都於中山與符彥卿為軍馬左右廂都將敗王都擒禿餒首功也累迁天平軍節度使杜重威據鄴叛用行周總兵討之鄴平授鄴都留守太尉封臨清王

李從敏初仕後唐為陝州節度使天成中王都據定州叛命宋州王晏球為招討命率師北伐以從敏為副領滄州節度使王都平移授定州節度

李懷忠初仕後唐為陝府都指揮使天成中康福授靈武節度時蕃部作梗屯于保靜命懷忠授送攻破諸戎道途無滯歷許州滄州都指揮使遙領辰州刺史

趙暉初仕晉為禁軍指揮使天福初從馬全節圍平陸佐杜重威戰宗城皆有功開運末以步兵開屯於陝開運末聞漢建義

并門乃與部將王晏侯章叶謀戮契丹偽命官屬據有陝州馳
騎聞於漢祖乃命暉為陝州節度使乾祐初移鎮鳳翔加同平
章事屬王景崇叛據岐山不受代以暉為西南面行營都部署
統兵以討之時李守貞叛於蒲趙思綰據于雍與景崇遞相為
攻又引蜀軍出自大散關勢不可遏暉領兵數千數戰而勝明
主拔其城加檢校大師兼侍中

李建崇初仕晉為申州刺史天福七年夏晉祖幸鄴襄州安從
進於鎮州安鐵胡合從構逆從進出軍攻南陽將州刺史武定
翰慮賊攻寇繼以湖陽主簿嚴景思覘賊之狀告急于朝時建
崇步騎千餘屯葉縣開封尹鄭王遣兵馬都監宣徽使張從
恩皇城使焦繼勳率在京諸軍及葉縣軍拒賊至湖陽縣之花

山遇從進軍建崇接戰大破之移授亳州圍練使襄陽平遷安
州防禦使

劉詞初仕晉為奉國第一君都虞侯天福中從馬全節伐安陸
敗淮賊萬餘衆晉祖嘉之授奉國都校賜扈鑾忠孝功臣加檢
校司空漢乾祐初李守貞叛於河中克行營都虞侯屯于河西
守貞遣敢死士數千夜入其營諸將惶怖唯詞曰小盜耳不足
以馬也遂免曹橫戈叱短兵擊之賊衆大敗而退河中平周太祖
嘉其功表為華州節度使

王令溫初仕晉為洛州圍練使及重榮稱兵于鎮州晉高祖以
令溫為行營馬軍都指揮使與都帥杜重威敗賊於宗城以功
授亳州防禦使

王饒初仕晉為奉國軍校屬范彥光叛命於鄴張從賓以兵連之朝廷命將討焉饒以偏裨從由善戰功遷本軍都虞侯累加檢校尚書左僕射復以下常山功加檢校司空遷本運都校領連州刺史時安從進叛於襄陽晉祖命高行周率兵討之以饒向行營步軍都指揮使賊平第功授深州刺史

安審琦初仕漢為山南東道節度使兼中書令屬荆人叛命潛遣丹師數千將屠襄郢審琦禦之而遁朝廷加之就加守大保進封齊國公

折德宸為府州防禦使廣順二年二月劉崇賊軍三千餘人入州境德宸與巡檢使李處稠同部領兵士殺賊二千收奪衣甲鞍馬萬餘事是月德宸言出兵收下河東界岢嵐軍使張德仁

十寨都指揮使蘇審並斬之已遣人於岢嵐軍守禦

曹英為昭武軍節度使侍衛步軍都指揮使廣順二年春總兵計慕容彥迴於兗州梯衝壁壘頗有力焉乃凱旋授彰信軍節度使總兵如故

史彥超為鄭州防禦使顯德初劉崇之寇潞州也世宗親征以彥超為先鋒都指揮使高平之戰先登陷陣以功授華州節度使

王漢璋為右龍武將軍顯德五年正月從征淮南收下海州詔以漢璋為海州刺史

新刊監本冊府元龜卷之三百六十

美章之

美章之

美章之

美章之

美章之

美章之

美章之

美章之



